



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pft 201





Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pflr 201



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pft 201



Early European Books, Copyright © 2011 ProQuest LLC.
Images reproduced by courtesy of Koninklijke Bibliotheek, Den Haag.
Pft 201






~~III D 36~~
Sample 201

Boekbinder
1757 H 25

201



Historie

Ende een vvaerachtich Ver-
hael van al die dinghen die gheschiet
sijn, van dach tot dach, in die lofveers-
dichste ende vermaerste stadt van Hol-
landt, Haerlem ghenoeemt, in dien tijt
als die vanden Hertoge van Alba bele-
ghert vvas: Verhalende vandē achtsten
dach des Maents December, des laers
M. D. Lxxij. tot den xvi. February,
anno M. D. Lxxij.

Seer neerstelick ende ghetrouwe-
lick gheschreuen / door eenen die dat selue ghesien
ende ghehoort heeft tot profijt vā alle liefhebbers
der Waerheit: Eerst in Latijn / ende na in Neder-
lantsche sprake ouergheset.


Pfalm. 127.2.

So Godt de Heere het huys niet en bouyvet, so arbeeyden
se vergheefs die daer aen bouyven: so de Heere de
Stadt niet en beuyuert, te vergheefs vva-
ken die vvaechters daerinne.

Ghedruet

Tot Delft, int laer ons Heeren

M. D. LXXIII.



De
het
wyl
tunge van d
die seer vern
schiet en ge
ringe seer
dat te niet h
moontliche
ny die tūt
loopen / by
van dach t
te vertellē
ghede en
de int licht
ij douchē
naer op d
vogen gh
mont den
Want de
niet als d
by tot ha
het dicken
die plaet
gepant
gymen
ontdekt
alsulche
andere v
ware sū
en by ex

Tot den goetwillighen ende Christen
Lefer / S.

Dewijle seer goetwillighe en Christen Lefer/
het fortun of Godt heeft ghewilt / dat ic een
wijle tijts soude zijn een aenschouwer en ghe-
tuyge van die dinghē / die in de tijt van het belech van
die seer vernaemde stadt vā Haerlem in Hollandt ge-
schiet en gehandelt zijn: En dewijl die selue beleghe-
ringe seer swaer en groot zūde / my verhindert heeft
dat ic niet heb moghē leedich zijn mijn ernstige en ge-
woonlijcke oeffeninghē te volbrenghe / heb ic op dat
my die tijt niet soude gaer onnut en sonder profijt door-
loopen / by een vergaert al die dinghē die gebeurt zijn
van dach tot dach / en die alderweerdichste waren om
te vertellē / met sulcker getrouwicheyt / als ic die selve
ghesē en gehooort heb. Niet tot dien eynde / dat sy sou-
de int licht comē / oft gedruet worden: (wāt hoe soude
sy donre / die so onhuyr en so qualick afgemaect zijn?)
maer op dat icse sommige vriendē / diese niet met haer
oogen ghesē hadden / dan souden moeten horē tot die
mont des gemeenē volcx / soude gheuen om te lesen.
Want dewijl een yder by na / die wat vertelt / pleech
niet als die dinghē gheschiet zijn / dan op die maet als
by tot haer gheneyget is / die voort te segghē / gebeurt
het dickmael / dat die menschē met die leughenen / in
die plaets vā die soete en lieffelijcke waerheyt / werde
gepapt / ofte ten minstē wert sy so onder die leugenē
ghemengt / dat heur alderschoonste antlaet gaer niet
onderkent mach worden: daerō heb ick met dit schrift
alsulckē quaet willē voorcomen. Maer als sommige
anderē verstaen haddē / dat ic met een bloot en voor-
waerrecht schriftkē / alle die handelighen begrepen
en by een ghebracht hadde / hebben my seer dickmael

Al ij

ghe-

ghebeden; dat ic dese sake/welcke Godt so heerlicken
door die manlicheyt vā die lypdē gewrocht hadde/niet
die roepinge alleenich / maer alle die de waerheyt be-
minne en lief hebben/wilde mededeelt ende bearbey-
det hebben. Het welc ick voerwaer metten eerste/niet
geern noch gewillichlick heb willen toelaten en ghe-
henghe/dan als sy aenstondē / en sonder ophoudē dat
van my biddende waren / heb ic ten laetste haer daer
in moetē te wil zyn. Daerom comt nu dit dachboeck-
ken voort met een tuchticheyt/en ghelick sonder alle
konst en wtwendige vertieringe / so oec sonder eeni-
ghe smuck oft valscheyt: tot dien eynde/op dat die an-
der steden in Hollandt/ Zeelandt en in andere oordē/
die noch claer/supuer en oprecht zyn/na moghen vol-
gen die trouwicheyt/vlijt/arbeyt en manlicheyt van
dese lypden: die ander ouerst die alder sterckst waren/
en by welcker dese stadt niet (inder waerheyt) dā een
pleck sonder mueren en sterckheyt waer / de welcke
nochtans lieuer hebben met schande den wreeden en
ongodtlichen tyran willē te wil zyn/dan die bescher-
mer en vrymaker des schoonen vryhepts ende Godt
aenhanghen / mochten met een ewighe schande be-
schaemt werden. So by hier wt / seer deuchdelicste
Leker/eenige vrucht oft profijt can hercomen/ so lang
als wy by auontuer op een beter tijt en bequaem-
heyt beter dinghen behandighen / wil het met danck-
baerheyt aennemen / en my met dijne ghebeden neer-
stich by den heer helpen en voorstaen. Blijf ghesont
inden seluen heer Christo: Ghegheuen te Delft/den
xij. Feb. Int Jaer ons heeren M. D. LXXIIII.

J. M. F.

RM

erlicken
ode met
hept he
beathp
ffiet
en ghe
mide dat
aar daer
thoece
der alle
der eni
die are
e oude
hen vol
pent van
man
da een
welcke
edenen
hefice
e Godt
nde be
elicheit
fo lang
man
danc
m wec
ghefont
ist den
xxx.

28



beelicken
gaddē met
verheyt be-
de beartop-
ceſſe niet
ten en ghe-
plunde dat
ē har daer
dachberc-
ſonder alle
under eni-
dat die ar-
bere vordē
oggen vol-
cheit van
liſt waren/
wt) dā een
de welcke
weedenen
de beſche-
nde Godt
ghende be-
ſchietſte
n) ſo lang
bequaem/
met danc-
den nere-
ij gheſon-
Deſt den
t) t) t).

83





N

bedanken) o
kcolp en p
wie en croghe
toch na 4 bl
en met wond
die fierte des
weede van
rom: 14 eef
lich met een
den ghewen
en des ongl
dat noemē
aan andere
de seer we
haefnag m
te worten
woofpoet
dighe is en
afgruſelike
dicheren
de in dese
se vopfont
had beleg
en dat sp
so met een
Des wende
ander. he
een ghe



N

bedanken)
loofte en
wie en rye
toch na 24
en met won
die fierte de
weede van
vome: 18
lach met ee
den gherre
en des ong
dat noene
een ander
de fere ver
hae fisch n
te woeten
woonoot
dighr is e
at gryn(ein
diehepta
de in die
se wofont
had bette
om dat p
p met ee
des wip
ander: h
erns gye

N A dat Berghen in Hene-
 gou/ welcke stadt dē alder manlicste en
 Edelste Graef Lodowijck vā Nassau/
 broeder van die doorluchtichste Prince
 van Orangien/ had gheurnet (na mijn
 bedincken) op Pinxter dach met een onghelooflike
 loofheyt en practyck/ van die onuerdrachlike Kauer-
 nne/ en eyghendom der Spangiarde/ door den Hert-
 toch vā Alba met verraderie/ daer hy crachtich in is/
 en met wonderlike contracten ende verbonden/ door
 die fiecte des Graefs/ ende griffelijcke inbroeck des
 vreedts van Biancrich/ nu wederom inne was ghe-
 nomē: heeft die Hertoch vā Alba terstot seer swaer-
 lijck met een placet brief die stedē/ die oorsaeck had-
 den gheweest des afuals vanden Paus van Rome/
 en des ongheloorfaemhepts oft rebellichepts/ so sy
 dat noemē/ ghedreyget. Daerom als Mechelen bo-
 uen anderen/ en oock Zutphen sich vreesden/ en bep-
 de seer verflaghen zijnde door zyn dreyphe/ wederom
 haestich met hem/ ofte wilden die paps makē en hem
 te voeten vallen/ ofte met ongheluckige beginselē oft
 voorspoet sich teghens hem op stellen: heeft dese bloe-
 dighe Hertoch niet opghehouden/ eer hy sommighe
 afgriffelijcke en onwtsprekelijcke exempelē des wre-
 dichhepts/ als hy ooc met zyn schrijuen gedreycht had-
 de/ in dese twee steden volbrocht hadde. Dat hy in de-
 se bysonder heeft willen bewijfen/ ofte dat hyse eerst
 had belegghert/ dan sy haer opgauen: ofte veel lieuer/
 om dat sy met wtgheteycte armen de Geusen (ghelike
 sy met een verworpen naem noemen die liefhebbers
 des vryhepts) hadden ontfanghē/ en daerenbouē die
 ander/ heur ghebeuren/ hadden een oorsaeck geweest
 eens ghelijcken afuals. Met welker vreesse terstont

A 14

alle

alle ander steden van Querssel / die de beschermers
des waerachtigen vryhepts / de Prince / van haer sel-
uen en gheerne hadden bekent / verlaghe en beureest
zijnde: Item ooc sommige Steden in Briellandt / ghe-
lijck ooc Sloten en Casteelen / die tusschen dese beyde
Landen / en die Steden die aen die zeestrand legghē :
en ten laetste Amerfoort met die omlegghede plaet-
sen hebben haer in die Godloose wil en wreede eytsch
des Hertochs vā Alba / van sonden aen weder ouer
ghegeuen. Al hoe wel sy altesamen dat niet en deden
gantsch met gelijcke manieren / want dickmaels zijn
die steden selfs onstantstich en ontrou beuondē: dic-
maels ooc hebben die knechten / die haer teghē die ty-
ranni waren tot hulp en bystant ghegheue / bedroge.
Sy altesamen hebbē een dinck geureest / te weten / op
dat sy niet in ghelijcker manieren souden haerlieder
tyrannie en moordadicheyt beproeue / als tegens die
voorghenoemde steden ghepleecht was. Daerō heeft
terstont de Graef vanden Bergh / ouerste en Sou-
uerneur van het Graeffschap vanden Berch / en die
landen vā Querssel: Daerbeneue ooc Graef Joost
van Schouwenburch / Souuerneur en Stadthouder
vā Briellandt / die steden allendichlick verlaten / ende
hebben haer / noch gheen opant ghesien hebbende / vā
alleen door het blote gherucht dat sy ghehoort haddē /
niet als manlijcke Dorsten / dan by na (op dat ick die
waerhept mach segghē) als herten op die vlucht ghe-
gheuen. Om des seluen oorsaechs haluen hebben ooc
die knechten / die binnen Amerfoort laghen / na dat sy
gehoort hadden het ongheluc van Zutphen / ende die
afual van andere steden / te recht niet en connen met
eenich bidden bewillighet werden vā haren stede / of
sy mosten sich ooc op den loop stellen / en om een goet
heen



FERDINAN . TOLE T. ALBÆ DVX
BELGII GVBERNATOR .

vercomen den
placeto/wat si
te comen
verlatende op
dat sy mochten
met elcme (cl
hadden haer
den een elcme
gherome: w
deri waer n
miche hize
henghefeth
is die inech
welche fide
haren leuen
hadden/ma
medelic (p
le/als het n
als not die
hauen die
den sy alle
ghen beder
bloot mach
in die wet
leuen berij
in weethe
ende dat sy
recht gien
du als
den (chom
der wach
als een
derijche p

heencomen sien. Maer als sy nu nergens eenighe
plaets/waer sy haer veplich heen mochten gheue ont
tot te comen/behouden saghe/hebben veel/haer selfs
verlatende op haer crachten/daerouer tot gheroeft
dat sy mochten ouer zee comen na noot Hollād / oft
met clepne schuythens/ die sy by auontuer geuonden
hadden/haer leuen berghen. Die ander hebbē Reer-
den een clep stedeke niet verde van Amsterdam in-
ghenome: Van die borghers/van welker die meeste
deel waren mede wech ghelope/hebbē haer die som-
mighe hier/en die ander daer/ so als sy best mochten/
heenghesteken. Maer die veranderinghe des plaets
is die knechten voornae niet alte wel becomen/ wāt
welcke stedeken sy tot een hauen / en als een vrydom
heirs leuens hadde vercosen/ is niet als sy ghemeent
hadden/ maer gantschelich als een val/ in welke sy
wreedelic souden werden beknipt en geuange beuon-
de/als het ooc gebleke heeft:wāt alle borgers so wel
als ooc die knechten die daer in ontfanghen wāre/be-
haluen die vrouwe die sy wilden (wāt sommige heb-
ben sy alle wreetheit en verdriet / die sy hebben mo-
ghen bedencke aengedaen) en hinderen/ die naect en
bloot moesten tot haer Vaderlandt en stadt scheidē /
en die niet eenich practick condē ontfloopen en heur
leuen berghen/zijn niet een onwtsprekeliche tyrannie
en wreetheit van die Spaniardē verniet en gedoot /
ende dat stedeken gantschelich verbrant / ende by na
recht ghemaect.

Nu als die Tyrā / volbracht hebbende alsulc-
ken schoonen act ende seyt / die welke niet het blaet
der menschen/ghelijc als een wilden Beir/ oft lieuer
als een Echel (die het vel niet laet gaen/ als de Ihep-
densche Poet Horatius seyt/ oft by moet vol bloets
zijn)

zijn) so gaer niet en can versaeft werden / of hy moet
na dat selue altoos dorsten en snacken / daer van daer
reysende met zijn Godtloosen hoop / is ten laetste tot
zijn lieue stadt van Amsterdam (welcke het ghemeen
volc met een bequamer naem / om die onuersadelicke be-
geerlicheyt om te woerghen en moorden / **A**msordam
noemt) ghecome. Als hy nu daer een weynich tijts
ghetoeft hebbende / wederom begonst dorst te crigen /
en te snachten / te weten / zijn keel verdroocht zijnde /
heeft van nieuws middel ghesocht met zijn ghelijcke
bloethonde / waer door hy mocht opt alderbeste ende
alder gheringst zijn hongherige maech versoenen / en
altesamen wederom mochte in de oude bedriegherije
des Paus van Rome locken en trecken. Verhaluen
stadelic reysende en met sich ouerleggende / waer hy
alderbest zijn voorloopers de Spagiardē mocht seyn-
den om te vercrighen / dat hy in zijn hert begrepen
hadde / is beslotē in zijn gruwelijcke en moordadighe
winckel en camer / die steden van Gueren / Sommel
en Gorrichem (welcke alle steden zijn niet verre van
den mont Mosae des riuiers) met den aldereersten
aen te vallen. Ende dat meestendeel daerom / dat dese
steden behinderde en benamē den rechte doorganc en
vrije passagie om ouer en wederouer te reysen. Me-
nende / dat ghelijckertwijls hy die voorghenoemde ste-
den / die van natuer en stercheyt veel meer beuetsicht
en bewaert / en andere die deur die neerlaech van dien
verlaghen waren / seer lichtelic had wederghereghē-
doo so niet minder moeyte dese / die hy die ander inder
waerheyt niet dan dorpen warē te gelijckē / wederom
seer lichtelic soude brengē onder zij macht en subiec-
tie. En hy auontuer hy soude geens gedwaelt / en in
zijn meeninghe bedrogen hebben gheweest / had het
die

die heer toeghelaten / en hadde het verkeerde hart en
gemoet vā eenē genacmt Dirck de Vries / eē schelmse
verrader / het hart dat dese dinghē denckende / en sich
daer nu gantschelic toe geuende / seer na ianckende en
verlanghende was / hier niet met een aenghenamen
en blydeliche recdē en vroetmakinghe afgetogē: want
dewyl hy tot haerlem lang Burgheemeester had ge-
weest / en doe by een gheual inder nacht tot die stadt
geuallē zijnde / om dat zijn verract tegen het gemeene
weluaert ontdeckt en geopenbaert was / nu tot Amster-
dā was gecomē / en aldaer doe ter tijt als dese dinghē
gehādelt werdē / met sommige andere vooruluchtige /
ende schelmige / van die stoomsche kerc tegenvoor-
dich was / heeft hem lichtelic elders heen ghetrocken.
Dat hem ooc seer gheringe en licht om te doen heeft
gheweest: bysonder dewyl hem wel kundich waren al
die secreten en heymelicheyden / so wel des stads / als
des Princen: en daer beneuen seer wel wiste / hoe die
stadt met vasticheyt / coren / crijchsuolc en ander muni-
tien voorickē was. En dat noch meer is / so was hy een
man nu gaer op zijn daghē gecomen / also dat hy geen
man van een cleyn aensien en authoriteyt scheen / by-
sonder by die spne / te zijn. Verhaluē brocht hūse lich-
telic tot zijn meyninghe / en maectese vroet / dat so sy
Sparendam (welc een Dorp is inden mont van het
Sparen / legghēde ontrent een mīl vā die stadt / maer
is verbrant gewordē dit selue Jaer van die Spāgiar-
den / alwaer onse volc een Vaendel knechten hielden /
op haer eyghen oncosten) ingenomē haddē / haerlem
so condē benauwē / tot armoet brenghē en bedwin-
ghen / dat het wel terstont met hem soude moeten ver-
soenen en vereenighen: van welcke het nu langhe tijt
schandelicken / na zijn beduncken / was afgheroken:

¶

¶

Of so dat niet/ten minsten soude volgherecht werde/
dat het geringer dammen wel meynde/ in zyn ghebiet
en bedwang soude weder ouergegeuen werde: en dit
also gedaen zynde/ soudent onderenich **M**elmaer/ **L**ey-
den en voorts die ander steden so wel na den noorden
als den zuyden/ hem ootmoedich te voete vallen/ ende
hem om ghenade bidden.

Dese reden behaechde wonderlick/ en elincten den
godtloosen sone seer wel int oor/ den sone/ seg ic/ van
den alder godtloosten vader/ en het hooft van dit be-
bloedighe cruychvolc: Daerom hy ooc sich vroetma-
kende en vastelic toefegghende victory/ waer hy hem
keerde/ om dat zyn vader (die nu hy auontueren te
Nieuwneghen al steruende van die helsche **K**asernen en
Harphen ghequelt werde) die personagie so wel ge-
speelt/ en alle dunck so voor de wint hadde ghehad/ is
het so verde ghecome/ dat hy hem haestich heeft laten
afstrecken van zyn eerste voornemen/ en ghestelt te vol-
ghen dat hem dese mensch so behaechlic in die ooren
hadde geblasen: op dat hy so veel te eer/ dewyl hy we-
derom begonst dorst te cruyghen/ en zyn keel verdrooch-
de/ mocht drincken het bloet der onnosel en onschul-
dighen menschen. Onder des als dese dinghen aldus
ghehandelt werden/ de verrader siende dat die **T**ran-
hier gantschelic toe ghenepcht en gekeert was/ heeft
hy ten laetsten/ als willende een aenghenae dienst be-
wysen/ eenen brief gheschreuē aen die **S**taedt en **O**uer-
ste des stadts/ die noch niet bedorue/ beulect ofte met
ketterhen onsteken en waren/ in welke hy haer aen-
gerft en vermaet/ dat so sy haer salicheyt en weluært
soeckende en begerende waren/ dat sy metten eersten
en van sonden aen/ om vergeuinge soudent comen bid-
den: en datter om dese dinghen te betomen/ so sy haer
haesten

haesten/ noch tijts genoegh en plaets was: so niet/ en
so sy het in die wint lichtueerdelic heen sloegen / dat sy
souden met die ander steden en plaetsen ghepunneert
en gestraft worden/ die alsulcken stouticheyt en tegē-
spannichheit verdiende. Het missif of gheschrift van
dese is een yderman noch in die mont/ en wort vā een
yder alst gheschreue is vertelt. Daerom dā heeft hem
die Trian terstont met zijn rapiamus en onthidighe
schupme (die de Paus van Romē toeghegdaē zijn/ hier
en daer versamelt en by een geraept zijnde/ bysonder
tot Spangien/ Wallandt en Duytslandt) opgemaect
en sich na Sparendam ghegeue/ dat nu ernstelic wil-
lende volbrengē/ dat die vader eertijts in loek en scartz
pleech te segghē / dat hy die Hollantsche Geusen en
afuallighē of rebellen lichtelicken soude met Hollāt-
sche boter begieten en smoren: dit is geschiet dē acht-
sten dach van die Maent December.

Maer onderdes heeft hy metten eersten al dralen-
de/ en ghelijc oft hem daer niet bang om en waer/ die
plaetse ondersocht door die Landtluydē en Goerē/ die
daer ontrent woonden: daer na alle dinghen neerstich
en vlijtich onderstaen hebbende / heeft voortz onder-
socht/ waer hy met ghewelt en bedroch die plaetse en
knechten mocht betrapē en ondercruppē. Hier toe/ als
hem die tijt vant Jaer oock seer goetgunstich en wel
diende/ en door die gheweldighe vorst al rontsom seer
verhart en beurosen was / ist gebeurt dat onse knech-
ten/ die daer in soldye van die stadt laghen/ en die an-
der die daer na van de stadt werden toegeschiet/ meer
ghewoont zijnde om ledich te gaen dan om te arbe-
den: en daerbeneuen niet en wistē/ wat die vyant ern-
stelic aenrichte/ haer verlaten hebbende op die plaetse
die rontsom seer wel gestarct en beschanset: maer door

Die

die

die tijt vanden **H**are gantschelick berooft was van al
zijn starcheyt en munitie / so die vorst ende het ijs met
mensche vernuft en voorzichtheit niet worden over-
wonnen / hebben die vande gheensins dese sochloo-
sicheit en onachtsaemheyt van die onsen / willen tot
haerlieden voordeel misbruycken. **D**erhaluē daechs
daer na / welcke was den neghēden dach des voorge-
noemden maents / desen dach en schants aenghegaen
hebbende / heeft onse volc niet met woorden / dā met-
ter dact heur onachtsaemheyt en slapericheyt verwe-
ten. **W**at welcke als sy noch doe niet mochtē ontwaect
worden / hebben die vanden sonder eenich vertoeuē /
het weder en dē tijt of heur dienēde / of sy die gelegent-
heyt en bequaemheyt van desen wel waer nemende /
ouer het ijs (welcke door alte groote sochloosheyt vā
die knechtē / oft lupheyt / als bouē verhaelt is / niet ge-
broken / dan heel ghebleuē was) in onse volc met een
groot ghedrups en macht gheuallē / en hebbē terstont
die plaetse inghetreghē : doch niet sonder verlies van
knechten aen beyden syden. **H**oe wel daer meer van
die onse zijn ghebleuen / die sicken met een manlich hart
ende ghemoet lieuer hadden teghen haerlieden te wil-
len stellen / dan haer gheweer wech te werpen ende te
gaen loopen / dewyl sy door getal veel swackter waren
dan haer vande : maer die haer goettot op die vlucht
hadden ghegeuē : en die andere die door eenich middel
conden outcomen / zijn na **A**lcmaer gheloopē / en een
weynich daer na te **V**aerlem ghesien. **D**it alles is ge-
schiet den tienden dach van **D**ecember. **M**en wilde
segghē / dat die vanden van getal waren ten minsten
ontrent neghen duysent voethknechten / tot den welcke
naderhant ghecomen zijn duysent ruyteren.

An dese schoone hauen inghenomen / en gelijc een
Slot

Plot van die stadt van Haerlem inghebroken/ en die
hutkens en clepne woonplaetskens die met stroo ende
riet gedect ware/ eerst verbrant zijnde/ begonst nu die
boter (als die opant meynde) te smelten/ daer hy de
stadt mede wilde begieten. Daerom hebben sy haer
daechs daer na met ghelijcke macht na die stadt/ die
haren parck was daer sy na schoten/ ghegheuen: dan
sommighe ruyters en haeckgeschutten voor henē ge-
sonden hebbende. Dese/ ghelyc sy scheenen int beuel
te hebben/ hebben neersich die stadt van alle canten/
(daer sy best mochten) besien/ en vlytelic ondersocht
en beschout/ met hier en daer te ryden/ waer sy alder-
best/ so het die noot eyschte/ haer leggher souden slaen.
En wat sy doen seer wepnich scheenē te zyn (wat die
ander verberchde sich achter die heegen tot bedroch)
hebben sy onse volc/ seer manlick en moedich zijnde/
die doe ter tijt meestendeel Duytsche dubbel Holde-
naers en Nederlanders ware/ lichtelicken/ om dat sy
wepnich scheenen te zyn/ willen so sy conden/ tot een
scharmutsinge vordaghē en vortlocken: het welcke oec
onse volck gheenens hebben afgheslaghen. Daerom
al dringhende/ en met groten hopen wtloopende/ om
den opant/ so die macht hadde met die wille ouer een
ghecomē/ te vernielen en wt te roepen/ zijnder som-
mige aen beyde syden ghebleuen en ghewont. Ten
laetsten als onse volc haer onghelijck saghen teghen
alsulcken menichte/ die altemet crachtiger en stercker
werde/ wt die heymeliche laghē/ en gaer niet en vor-
derden/ hebben haer die Capiteynē seer haestich we-
der in die stadt doen comen.

Daer na hebben die vanden/ eendeel het Aegus-
liers Clooster/ dat welcke een booch schoot van der
stadt is: eendeel het Leprosen huys/ welc gemeynlick

D in

der

der flecken hups toert genoemt, een weynich naerder
die stadt: eendeel oock het hups te Cleef en andere, so
wel Coellunden als Goeren hupsen, die na het noor-
den slaen/inghenomē. Het doirp van Queruee, en die
hupsen in die dypnen / die na het west des stadts be-
woont werden, heeft een Vaendel of twee ghecosen:
Het bosch, welc aen die zuyt syde des stadts is, ende
noch het anderde bosch, dat sich wint verbiert na den
zuytwesten: Item noch dat hups te Berckerop, met
de plaetsen daer ontrent legghede, hebbē eē weynich
daer na Duptschen, om te bewoonen, wtuercoeren: tot
Quersten hebbende Polweiler, Fransbergher, met
die Graef van Euerstern, en sommighe ander Wa-
len en Spangiardē. Die Querste van die Spangiar-
den, ghelijc ooc van gantsche heylleghe, is geweest
des Hertochs vā Alba soon, Don Frederico, wiens
werck niet ouereen en comt met die naem: Van die
Walen, als men meynde, die Heer van Noircarmes:
Van die Hollanders en ooc Nederlanders, die Heer
van Boshu, die Stadthouder van Hollandt van den
Hertoch vā Alba was ondergheset. Nu la ic voorby
die Onedele namen der anderen, (die als die Poet
seyt, by na zijn vreeselic door het gheluyt) die door dē
eedit dese al verbonden sijn.

Al dus dan nu die stadt becinghelt en belegert sijn-
de van allen cantē, heeft sich alleynskens in seer gro-
te benauthēyt en vreesē ghesē: Ensonder dewil haer
so veel knechten, als haer wel noodich was om tegē
te houden, geschut met sijn toebehoorte, victale, sterc-
heyt en wapenen, en int cortste gheseyt, alle mensche
macht en hulp ontbraken. Maer die stadt sich billick
op den eenighen Godt verlatēde, die rijcker en sterc-
ker is dan alle menschen, en die de swacke en crachte-
loose

loose dinghē in dese werelt daerom heeft wtuercoeren
(ghelyc Paulus die h. Apostel spreckt en betuycht)
op dat hy die dinghē / die sterck zyn / mochte bescha-
men / heeft noch gheen dinghē ghebreck gehad. Des
anderen daechs hebben sommighe ruyters / als aen-
kundigers en otfeggers des oorlochs / onder die stadt
tredede / met luyder stemme die vā der stadt geuraecht
oft sy haer wilden opghen / behouden lēf en goet.
Maer als onse volc haerlieden daer niet een woort
op en antwoorden / om datter niemant aen en twyfel-
de / oft dat verbont datmen met haer aengaen soude /
soude een Cartaginisch oft valsch beuonden worden /
zyn sy niet een openbare verkundinghe des oorlochs
van daer gheschepden. Woorts twee oft drie daghen
daer na / als sich die vorst een weprich ontlāt hadde /
en die lucht seer dick en neuelijc ofte mistich was /
datmen niet verde van hun sien en mochte / hebben se
haer / op dat sy niet lecdich soude zyn / en te beter onse
volck mochten bedriegen / met wallen begonst te ver-
stercken : en daerenbouē schanskoruen ghemaect / en
scheue grāuen omghegrāue / in welcken sy haer ge-
schut souden stellen : en hebben se ghestelt recht op die
S. Jans wech.

Den xv. van December / sy stende die Inwoon-
ders des stadts volharder / en hartneckiger / dan dat
sy haer souden willen opghen / zynse te schepe ghe-
comen / met vertyn metalen stucken gheschuts / die
ghemeenlic (so ic verstaen hebbe) werden ghenoeemt
(want het betaemde niet wel dat sulcke schoone ende
heerliche dinghē souden sonder naem zyn) die Wlie-
ghē van Ramē. En voortwaer dese scheenē ons met-
ten eersten cleyn te zyn / maer het is gebleken metter
daet / dat sy voortwaer seer groot warē / also dat sy niet
so wel

so wel **W**lieghē als **E**lephantē / oft so daer noch wat
groter en̄ afgrūselijcker is dan **E**lephantē / genoemt
inoghen werden. Want sy wtschoten pseren clooten/
die grootste van xlvij. ende die minste van xvi. pondt.
Woorder hebbēse met dese beginnē te donderē / of om
datse winnē soudē / oft altoos / om d̄ sy die vāder stadt
souden verueeren / den xvij. dach des seluen maents/
schietende eerst drie van die alder grootste clooten: en̄
dat meestendeel daerom / dat onse verrader / met toe-
name die **W**ries (door wiens raet en̄ aengeuen wy te
voren vermaent hebben / dat dese dinghen waren aen-
gherecht) haer vroet gemaect hadde / dat sy gheē drie-
mael op den ouden veruallen steenen muer schietē en̄
souden / of alle wīuen en̄ kinderen souden met eē van
die muer / met gheuouden handen / en̄ van haer selfs
ootmoedich om vrede en̄ vergiffenis comen bidden.
Hier toe was noch helpende een ander / die **S**ecreta-
rijs vander stadt hadde geweest / dā een weynich daer
na tot **D**elft / so als hy verdient hadde / zyn leuē an die
galghe gheepndet heeft. Wāt dese meende en̄ beloof-
de ooc dat die stadt / so hy die hertē der menschē door /
ghesien hadde / lichtelic wederom soude gaen / oft ooc
wel lichtelic gheneesen conde werden / so sy eerst van
die quade en̄ verdoruen humorē / (met welcke hy ver-
stonde / die om het **W**oort **G**ods verdreuen / en̄ van
haer **V**aderslandt en̄ goet berooft hadden gheweest /
en̄ nu door begeerten der **B**orgheten / en̄ der **P**ringen
waren **O**uerste vander stede ghestelt) ghelijc het int
menschen lichaem pleech te gheschien / mocht verlost
en̄ ghereynicht werden. En̄ ooc dat die seluige sulcke
macht en̄ ghehoor niet condē hebben / dat sy alleen
die **B**orgers nu verflaghen en̄ veruaert door een nieu
en̄ onghewoonelic belegge / ia die ooc terstont onder
mal.

malcander souden oproerich en tweedrachtich worden
souden moghe / door haer authoriteit te vreden stel-
len en bedwingen: nu een oproer onder het gemeen
volc gheresen zijnde / dat so lichtelic int net getregen
en gheuangen mochten worden. Het welcke so ooc
so seker en ontwijfelic hadde hun selfs voect gemacct
en aengesproken dat allesins achter heur schansen en
borstweeringhe / tot een verskerheyt des roofs son-
ghen met een onbehoorlic en schandelick ghedicht / na
die opstandinghe Christi (want so plegen so te spot-
ten in ernstighe dinghen / en treffelick te zijn in gecks-
meer ende kinderdedinghen.)

Christus is opgestanden,

Ons is een buyt voorhanden,

Dus vvillen vvy alle vrolick syn,

Haerlem sal ons troost syn, Kyrieleys.

Maer het is veel anders gebeurt / en dat / want God
die herten van alle mensche wonderbaerlick volhart
en gesterct hadde. En recht te tijde hadde die Door-
luchtighe Prince / doe ter tijt derwaerts ghesonden /
den seer gheleerden en vromen heere van S. Alde-
gond / om eenen nieuwen staet te stellen / door het sta-
delic begheren van die Principalen vander stadt / die
welcke die sake van het gheemeene profijt en die wel-
uaert der Surgheren beter te herten namen / en zijn
Excellentie als ooc den Coninc van Hispanien / onse
alder ghenadichste heere mochte ghetrouwer beuon-
den werden. Die welcke ooc van stonden aen die gât-
sche sake heeft ernstich aenghenomen / en den ouden
en afghesetten staet / bysonder die een meynich be-
schuldicht worden / en op welcke eenighe suspitie oft
quaet

quaet vermoeden was / gheboden binnen huys bes-
waert te worden / op dat sy haren quaden aefen den
anderen niet aenblasen souden / en de sake die voorhā-
den was ongedaen maken / ofte ten minste verstoren.

Daerom als die vanden noch alsulchen voortgac
niet en saghen / als haer van die verraders toegheseyt
en beloofte was / seer toornich en vergrāt zynde / heb-
ben seer vreeselich op die stadt / en op die mueren ende
poorten / bysonder opt sternen stondeel / welc voor die
Cruyspoort stondt / en vā die Inwoōders het block-
huys ghenoeit worde / gheschoten: Also seer / dat sy
dien dach ontrent seuen hondert clooten gheschoten
hebben / so grūselich / ia ooc so spytich en verachtelich
(wāt so gheringe alsser gheschoten worde / spotten en
schempten sy met die onnoselheyt en swachheyt des
stadts / en bespotteden seer smadelic de Inwoonders /
die nu een ghemeen elende ouer het hooft hinck / seg-
gēde / hoe past dy dat haerlem / wiltu dy noch niet op
gheuen? men sal dy noch al bet comen: en diergelijcke
onuuerdrachelicke schempredenē) dat het stondeel ofte
Blockhuys / van alle knechten en wacht gantschelich
verlaten zynde / een vder voorwaer gheē clepne vrees
en angst aenbrochte: Also seer ooc / dat so die vanden
dit haddē mogē wetē / het soude inder waerheyt nu al
lāg met ons gedaē / en die stadt met al die daer in wa-
rē / gātschelich verniet hebbē gewest. Maer onse volc
terstont die moet niet verloren geuende / dā moet grū-
pende / door het aenharden ende vermanen van ce-
nen hopman / die nu al op zyn daghē gecomen / en in
die crūchshandel seer veruaren was / ghelijc als oock
door ander mannen en beuel hebbers / die van herten
en cloetheyt des ghemoets seer heerlich en vernaemt
waren / hebben die plaetse / die een weynich te voren /
van

van die vreesachtighen / door heymeliche wtcomsten /
was verlaten / op de selue manier / als die daer wt wa-
ren ghecomen / wederom in genomē. Welcke plaetse
haer heeft so lang goet gedacht in te houden / ende te
bewaren / tot dat sy niet gelijcker macht en arbeijt een
ander toelucht gemaect hebbende / die vpanden een
cleener deur en oorsaeck mochten laten die vader stadt
te beschadighē. Waerom heeft men oock daer altoos
neerstich ouer wt gheweest / dat al wat door heur seer
gruwelic schieten by daech was gebroken / snachts so
wel van vrouwen als manne mochte / so veel als het
mogelijcken waer / wederom gemaect worden / en die
vpant also hebbē / waer by het griffelich ghewelt des
gheschuts sdaechs daer na mochte plomp en crachte-
loos op maken. Welcke sy ooc seer wel ghemerct en
gheweeten hebben / ende daerom niet wel haren moet
hadden: want sy niet sommige duytsche oft inlantsche
ghedichten / dat goede werck der ionghe dochteren en
wijuen / openbaer en met luyder stemmen / als sotheyt
begheeten / en daermede haer spot hielden / singhende
op sotteliche wijze:

*Die Meyskens van Haerlē, sy zijn so mal,
Sy draghen die eerd al op die vval,
Dirridom deyne, &c.*

Sdaechs daer na (want snachts waren sy moede
van alsulcken heerliche werck dat sy wtgerecht had-
den / en rusten sich eerst wel met wijn begoten en goet
cier ghemaect hebbende / en haer verskerende datter
ghenoech in die stadt warē / die het ghelach wel beta-
len konden) hebben sy by na so veel / als daechs te vo-
ren / bysonder op die Crups en S. Ioannes poorten /

E ij

die

die niet tot eenige starcheyt/ dā hooch en lieuer totten
pronck en toornunghe gemaect waren/ en op die muer
die tusschen dese twee poorten was/ gheschoten. En
als sy wilden des namiddaghes eenen valschen of lo-
sen aenual teghens die stadt doen/ te weten/ op dat sy
enckelick mochten sien en merckē/ hoe sy sich wilden
houden/ daerbeneuen dewyl onse gracht/ die om het
Rondeel ginc/ engher was dan sy wel behoordē/ dan
nu door die menichte der cloten die daer op gheschotē
waren/ met steenen ende eerde by na ghedemipt ende
gheuult waer/ zyn niet wepnich/ als met het hooft
teghens die muer gheloopen ende vernielt.

Voort den twintichsten des seluen Maents/ wele-
ke is S. Thomas auont/ hebben sy dē gātschen dach
lāgsamer geschotē/ by auōtuer om dat cruyt en clotē/
als mē vermoede/ nu byna vershotē waren: Dan ter-
stont plancken ghemaect hebbende/ om een breg te
legghe/ daer sy met ghamack/ so sy meenden/ ouer
fouden in die stadt vallen: hebbē sy ooc sacckens veer-
dich gemaect/ om dese sonder schade op haer hoofden
te dragen. Voorts hebben sy alle reeschap/ welck tot
een aenual en die storm noodich waren/ bereyt/ en on-
trent ten twee vren na middaghe/ zyn te ghelick met
ghewapender handt/ bysonder die dapperste en fier-
ste crēichluyden van die Spangarden aenghelopen/
sich beloouende een gewisse en sekere victorie: Ja dat
meer is/ drie Waendraghers zyn met sommighe an-
der Spangarden/ die volchden oft mede aen traden/
al op het Rondeel/ dat sy nu drie gantsche daghē seer
ghetrent en by na plat hadden gheschoten/ geclon-
men/ ouer die bregghe die sy ghelept hadden/ en heb-
ben die ander/ haer ghesellen/ ouerhuyt victory toege-
roepē. Maer sy hebbē voorwaer haring (als mē seyt)
gheroe-


gheroepen/ eer syse in die sack hadden/ en op die mas-
nier van die bloode hancn ghekract/ eer sy ouerwon-
nen hadden. Want onse volc/ behaluen dat sy haer le-
uen en ghemoet dapper teges haren aenual en voor-
nemē ghewapent hadde/ en sonder eenige vrese man-
lic den aencomende vpant verwachten: hadde daercu-
bouen alle manier van gheweer en lancien oft corte
spietzen bedacht: daerbeneuen hadden sommige hoes-
pen met werc/ pick en smeer bewonden/ met welcker
sy als barnende croonen/ in die ghedaente van die van
Medeā ghemaect/ van welcken men in die fabelen
leest/ die aencomende vanden / als ouerwinners bes-
taemde/ ghecroont en eerlic ontfanghē mochten wer-
den. Daerom hebbē sy dese so fraeye ouerwinners al-
so ghetracteert/ met die Waendragers/ dat haer tē eer-
sten heur Waendels wt die handen gheruct zyn/ en die
anderen met vorcken/ drietāden en spietzen: item ku-
sen met yseren proppen/ diemen gemeynlic morghen
sterren of popelchsen noemt / en met haeckgheschut/
die als cloten reghenden oft haghelden met een don-
der te rugghe gedreuen en ter aerden gheworpen zyn-
de/ hebben die rest vanden gracht lichtelick met heur
lichamen voort gheuult. Die ander die daer volchden
siende heur voorgangers so vallē en verniet te wor-
den/ en datter wel veel aen waren ghetreden/ dan nie-
mant wederom quam/ bysonder van die dapperste en
fortste/ die vooraen waren ghesonden: Item dat onse
volck stont als eenen stalen muir / die sy met gheen
macht noch const ouervinnen noch breken condē/ zyn
beureest en verslaghen te rugghe gheuallen / en den
hoochmoet laten in die kinē sinckē. Ic heb eē roernich
te voren gheseyt/ dat sy op desen dach trager en lang-
samer schoten/ dan die voorleden daghen/ behalue als

C iij

sy

so stormden / want so aldoe daerouer wt waren / om
niet ghewelt door te barsten / had het gewelt niet met
gewelt en cracht verdreuen en gebroekē geworden. Van
die vpanden zijnder doe gebleuē die aldersterkste / als
oock een wepnich te voren gesept is / en die vroomste
inden oorloge / so Spaengiarde als Walen / omtrent
neghenhondert als men sept: Van onse volck zijnder
nauwelic tien / als men voor seker wil segghen / doen
ter tijt ghebleuen. Item die van die vpanden gescho-
ten en ghewont zijn gheweest / zijn met ruyt. Needen /
als ic wt die gheuangen hooze beken te zijn / na
Amsterdam te ghenesen gheuoert. En dit is seker / ja
die ghesmolten boter / daer onsen vreedē Phalaris
ons ketters mede heeft begoten. Een Spāgiaert was
daer alleene (die hē nochtās valscheleic aennā cē Bra-
bander te zijn) die mede inden storm hadde geweest /
dan als hy niet by ons clumē / noch by licht dach na
zijn volc sicc weder henen dorste gheuen / was in gro-
ten vreesē en angst / en hielt den wolf (als men gemeē-
lic sept) by die ooren / dat is / en wiste niet wat hy doen
soude ofte niet: Want hy hadde hem so langhe onder
die doode lichamen verholen en verstecken / dat hy int
dupster sonder perijckel wederom mocht in die schan-
sen ende achter haer wallen cruppen. Maer als onse
volc voor hem in die weer hadden gheweest / die neder
waren gheclumē om die gheschotenen en doode lic-
hamen te plunderen / hebben hem omtrent den auont
leuendich gheuangen genomen en den staet ouer-
gheleuert / en is voorts daechs daer na opghehangen /
doch iammerlicken beclaghende die dootteliche be-
talinghe van xxiij. maenden / die hem van Duc Balua
so betaelt werde / en groufaem verdoemende / die ooc
haerluyder verrader / den Vries. Die selue heeft oock
beleden

paeren / om
eint ruct met
wonder. Wan
terecht / als
e woonste
in / ontrent
den / onder
den / doen
den / gesche-
den / sieden /
te / na
is / seker / al
t / galan
gaert was
naer / wa-
e / groef /
den / na
was in / gro-
den / gme-
den / doen
naghe onder
dat / spint
den / schan-
te / als onse
den / neder
den / hie-
den / want
den / court-
den / den /
den / be-
den / den /
den / die / doe
den / den /
den / den /





beleden / dat so
skad wacnaen
gherighen / da
menant soudet
man / noch een
tot dien / e
toont en bedet
een / Fonteyn
heeft beter ach
laten / dat ver
afgriffeliche
doet ten ongh
dorghen en
en goedichij
beteren / by
En dat noch
heeft gheslact
uallichij en
ghelooftich
met ach wde
die so conde
rechten l
lijche Wua
moet wde
op hare dag
deliche wel
het ghener
scheping /
quelt en te
lick hart m
deringe her
uā voren
ghelooftich

beleden / dat sy met sulcken opset en voornemen die
stadt waren aenghetreden / dat so sy die hadden inne-
ghecreghen / daer sy gaer niet aen en troefden / sy
nemant souden hebben ghespaert / noch vrou / noch
man / noch eenich ouderdō / ghelijck sy ooc voormaels
tot seerden / en al eertijts aen ander ontallicken ghe-
toont en bedreuen hadden. Maer Godt / die welcke
een fonteyn is van alle ghenade ende ontferminghe
heeft beter acht op ons ghehadt / en heeft niet toeges-
laten / dat wy in haer grouwelijcke vreedicheyt ende
afgruselijcke verschoeringhe souden vallen: dan heeft
door een ongheflooflijcke eenicheyt en eendracht der
borgheren en knechten onder malcander / ons seer wel
en goedichlijcken met die gantsche stadt bewaert en
beschermt: hy sy gepresen vā ewicheyt tot ewicheyt.
En dat noch meer is / so zijn ooc de vrouwē / en het ge-
heele gheslacht der wijuen / die welcke zijn de angst-
uallichste en vreesachtichste van alle creatueren / on-
ghelooflijcken verhart en versterct ghe worden / dat sy
met arbeiden nacht ende dach / en met alle middelen
die sy condē en mochten / het ghemeene profijt ende
weluaren bystondē: Bysonder was daer een seer mā-
lijcke Vrou / die met recht een Manninne ghenoeit
mocht wordē / met name Kenu / nu al een vrou zijnde
op haer daghen / welcke met oncostē (want sy is re-
delicke wel ghefelt) met arbeit / wapenen en geweer
het ghemeene weluaren voorstondē / en met spijt ende
scheinpe / daer sy die vanden sonder ophouden mede
quelt en tercht / heeft altoos bouē alle ander een mā-
lich hart int lijf ghehadt. Sulckē also haesten veran-
deringe der harten / die te voorē alleenlic door die naē
vā roeren en buffen verlagen waren / dan dien nu het
gheluyt seifs niet is / dan loch ende spel / moeten wy
billicken

billicken den hoochsten Godt toereekenen ende toeschrijven.

Itē als een ander groot Capiteyn vā die Spāgtarden/ seer lieflicken ontfangen/ en met eenen vierigen croon om zyn hals ghevoipen waer/ is te rugge derwaerts in die gracht/ daer het water was/ ghespronghen: en als hy dese barnende croon niet vā zyn hals trecken noch afschudden/ daerbereuen niet ouer die gracht swemmen conde/ door dat hem die flam zyn hals seer benaude/ is te ghelijc van het water en vuer ghesinoort/ en al dansende ghestoruen. Door welken so grooten val en neerlage vā haer volc zyn sy groussaem verflaghen gheworden/ en dat noch meer is zyn sy alle menschen cracht ende toewerlaet nu ter tijt be-rooft gheuerst: want sy die moedichste en haer dap-perste crijchsuolck nu verloren hadden/ en openbaer-lick met Godt waren vechtende: daerenbouen al te vergeefs vijftien hondert en veertien cloten (ghelijck het van sommighe leedighe menschen gheteelt en gesommeert is) en meer crupts/ dā wel ghelooftic was/ onnut verschoten hadden/ heeft haer die moet begin-nen te beswijcken/ en om die ouerhandt te vercrighen zyn gaer in een wanhoop gheuallen/ en hebben haer hoochmoet nu alheel laten sincken. Op dat nochtans dit niet soude schijnen/ en sy niet alheel leedich souden zyn/ ooc haer moet souden gantschetlick schijnen ver-looren te gheuen (dat sy voorwaer niet geerne en doe) hebben sy clepne sacckens met eerde gheuult/ en op malcander geleyt/ ende alleynstiens als mollen meer ende meer voortgheschoouen ende wallen ghemaect/ sicken van dach tot dach/ so starcker so meer beschāffen-de/ op dat sy niet bedroch ende heymelijcke helen en practijcken mochten vercrighen/ dat sy dus langhe
met

met wapenen/ en voor die vuyft niet hadden moghen
verweruen. Daerentusschē heeft ooc onse volc nacht
en dach die vesten en poorten/ niet al die plaetsen/ die
seer beschoten waren/ so veel als het moghelijcken
was/ versterct/ en van alle cantē so wel die weluaert
en profūt der borgheren als des stadts/ en waer ghe-
uomen en besocht. Item heeft oock sommighen den
vpant/ hier en daer loopēde en sweruende/ en die we-
ghen besettende/ op dat ons gheen coorn oft victalv
soude aenghebrocht worden/ mit wat maniere sy con-
den en mochtē/ zyn macht benomen/ en haer die hut-
ten/ die sy inghenomen hadden om die stadt te benau-
wen/ berooft/ en die sy mochten in de brant gesteken:
op dat sy die tijt vā de harde en seer coude vorst moch-
ten eenichsins van die ghebeuren met toren/ so veel
haer noodich waer/ ouert hē verlicht werdē/ en meer
knechten incrighen. Die vpant hierenteghens hielde
ooc niet op zyn cants en waer te nemen/ noch en liep
niet/ al scheen hy alwel stil te zyn en te rusten.

Want als hy lichtelijcken ghemerct hadde/ dat wy
meer ontfet ende verken moesten zyn met knechten/
om die stadt te bewaren/ en nu opentlick verstaē had/
dat onse Ouersten en Capiteynē ernstich by de Wor-
stelicke Prince/ met Posten en brieuen daer ouer vol-
warē/ dat sy goettijts mochtē verstaē en geholpē wor-
den: en hy ons van stonden aē/ als een vader des Wa-
derlants/ en inder waerheyt als een beschermer des
vrijhepts/ ia oock een vrijmaker toe hadde gheschiet/
die hy alder ghetrouste en byder hant hadde/ den seer
Edelen Graef vander Marc: die nu Ouerste ende
Stadthouder was ghestelt ouer gantsch Holland: en
die dat ooc van rechts weghen/ als die eerste vruchten
toebehoorde/ want hy dat eerst door die hulpe Godts

D

Den

den rechten Euan-geljo Christi had open gedaen: niet
allegnich / dan met sommighe ruyteren en paerde / die
doe ter tyt te becomen waren / en voortknechten: heeft
die vpant dit onderroeken en waerghenomen / en met
grooter cracht zyn toecornst tot ons behindert en be-
let. Dat meer is / hebben het peert / daer die Graef op
sadt / onder zyn lijf doorschoten / en het volc van Laza-
rus Muller / en noch van een seer treffelic en vromen
Capiteyn Bartolt Entez / die de stadt ontfetten sou-
den / verflaghen en verlaecht / als oock die ander / die
eenich verraet ofte afual mit sin hadden / zyn gantsch
vernielt en ouerrumpelt gheworden / also seer / dat die
Graef met die andere / en sommighe seer wepnighe
trawanten nauwelic hebben die vanden hande mo-
ghen ontlopen. Waer van als wy seer wepnich be-
schepts ende tijdinghes so haestich conden crighen /
hebben die vanden door dese victorie / groot ghebeer
ghetoont / en die ooren beginnen op te stecken: want
als so dit onghenal ende teghenspoet al die Anwoon-
ders voor oogen hadden gestelt / meende so het volck
van die stadt hier door lichtelic so cleynmoedich te ma-
ken / dat so nu voortaan geen ontfet souden meyne te
crighen oft verwachten / en daerom soude hen moeten
opghen. Verhaluen vaecheden so seer verachtelich
en schemper / oft wy het niet ghehoort hadden / wat
onse Prinsien en onse Graefsen / daer wy ons dus
langhe op verlaten hadden / ende van welcke wy alle
hoop en vstant verwachtende waren / gebeurt was:
dat so wisten / watmen van sulcke bloode en verueer-
de menschen behoorden te verwachten. Dat so ons
wilden raeden / so wy wisselicken wilden doen / dat
wy ons metten alder eersten / met Godt en den Co-
sijn / die wy so swaerlic en schadelic / ja ooc so meynes-
dichlich

dichlick en trouwelooſſe verthoort hebben/vereen-
ghen en verſoenen. Met deſe en dierghelijcke veel
ander ſchempere en ſphtighe redenen die ſy opwor-
pen/ſyn de harten van onſe volck metten eerſten ſtil-
ſwighens al een wepnich / ſomen die waerheyt ſal
ſpreken/beweecht gheworden. Daerom waren ſy al-
toos ſorchuuldich ende ſeer beangſt/dat ſy oft van die
Prins vergeeren / oft van die Graef bedrogghen sou-
den worden / ofte te minſten te leur worden gheſtelt/
als ſy den vpant/die haer van doch tot dach meer ende
meer benaude/anders ſeer lichtelicken ſouden comen
verwinnen en verſlaen. Daerom hebben ſy oock/ ſo
veel als ſy mochten/ om dat te vercrigen/ aengeſtae.

Als dit die vpant oock wel ghehoort hadde / en nu
wiſte/dat die Prince dit van herten wilde doen/ ende
dat hy oock middelen hadde/door welcke hy ons wil-
de te hulp comen en ontſette/op dat hy niet soude met
ouer en wederouer te reysen die tijt toe brenghen/ en
ons niet behinderen/ dat wy mochten ontſet werden:
heeft ſyn leggher/om dit te beletten/ghelagen/ en by-
ſonder het Deerdevolc geſet in ee dorp genemt Hil-
legum. En dat daerom/eenſdeels dat hy daer niet ver-
de van het ander leeggher was/als die noot ſyn tegen-
woordicheyt eyschte: eenſdeels oock en byſonder/ om
dat hy aldaer heer en meester meende te ſyn / ſo wel
van het Meer/als van het Lant. Maer die goede
Godt/die niemant noch hen/ noch wil bedriegen van
dic ghene/ die op hem vaſtelick vertrouwen/ had ons
noch eenen wech en vrye paſſagie oft heerſtrate be-
houden ouer dat Haerlemer ſtmeer/ dat nu beuroſen
en heerlick met ſs beſtract was. Wat dat is ſo groot
en breed/dat die vpant dat in gheenerlere wijs(alhoe-
wel hy dat eerſt meende) conde onueplich maken/ en
ghelijck

ghelijck te lande besetten. En die Heer heeft het in
harte vanden Prince ghegheuen/ dat hy oock met al-
le macht teghens die vanden zinnen leegher soude
stellen/ en haer hier ende daer swermende/ en sonder
ordinantie ouer en weder ouer lopende soude versto-
ren ende dat behinderen. Hier toe heeft hy alder be-
quaemst geacht/ bysonder en dorp/ welcke byna half-
weechs tusschen Haerlem ende I. d. v. gheleghe is/
ghenoemt Sassem: Wat van het dorp I. is genoemt
is noch groote twist ende scheling wiens dat het is.
Hy heeft tot Querste Veltheer ghemaect/ eerst die
alder Edelste Graef vander Marke: Dese om som-
nighe vermoedinghen/ die nochtans op gheen seker-
heyt stonden/ afghezet zinde/ heeft in zyn plaetse ge-
stelt/ den seer Edelen/ Welghebooren/ ende alder ver-
uarenste in crijchshandel/ ende Vromen Heere van
Satenburg.

Hier van daen dan is ouer het Meer/ dat ick voor
ghenoemt hebbe/ ons ontfet ghecomen/ van coren en
knechten/ so veel ons noodich was/ bysonder doe het
is nu sterck ghenoech was/ om met sneedē ende peer-
den daer ouer te loopen/ al ist dat sich onse tyrannen
noch so seer verwoeden ende verbaesden: Want den
anderde dach/ ghelijck oock den seften vā Ianuarius/
int Jaer M. D. lxxij. isser en groote oueruloedicheyt
van terwe/ rogghe/ ende broot in die stadt ghebracht
met sneedē/ ende dat sonder eenich perijckel/ al hoewel
wy noch van gheen dinck ghebreck/ door die gratie
Godts/ ghehadt hadden. Met die selue sneedē heb-
ben wy ooc Sasconse ende Britansche Soldaten/ die
seer goet ende manlic waren/ ghecreghen/ den xix.
December. Item oock sommighe Walen/ vā welcke
die Capiteyn was een dapper crijchsmā/ die met
Graef

Graef Lodewijck wt Berghen (na mijn onthouden)
en daer na ghesont was wt Zutphen ghecomen.

Sommighe daghen daer na / ontrent het nieuwe
Jaer / zijn onse volck sinorghens goettyt wt die Wes-
terpoort / als die vpanden sulcx gantsch niet en ver-
wachten / gheuallen : en als sy omuerdens hare schan-
sen / en met ghewelt ingenomen hadden / hebbē sy veel
van die gheen die de wacht hielden en pionierden of-
te delfde / vernielt : Also seer / dat die victory voor ons
soude hebben geweest / haddē die Duytschen en Bre-
mers / die mede ghestelt waren om met die anderen
manlich aen te vallen / altesamen een broom en omuer-
saecht hart en ghemoet ghehad. Alsoewel sy van die
sommighe ontschuldicht wordē / om dat sy in die ma-
nier van wapenen / daer die vpanden van verde mede
ghekrent moghen werden / van die ander versche-
den waren : wāt sy moesten voor de vuyt met coit ge-
weer vechten . Daerom als nu die vpant alleynsacens
met een alarm slach zijn macht wat weder by een
crech / zijn sy niet veel wtgherecht hebbende / weder-
om na die stadt ghekeert . Doch die vpant desen anual
grotelijck beclagende / en vreesende oft dit selue vae-
ker soude ghebueren / is terstont voorzichtighe ghe-
maect / om het gheschut en hun selfs beter te bescher-
men en daerom heeft hy ander en dubbelde schansen
ouer en weerouer ghegrauen / om hē gantsch int ver-
lich en buyten schoot te stellē . Item het gheschut / om
welckeer te vernaghelen / sy lichtelic hadden verstaē /
dat onse volc meestendeel waren wtgewallē / hebben
sy een deel op het velt / welc van die Diecken nae het
supden is / eendeel op die Grups wech gestelt / op dat
sy den gantschen meur met de torens / rondeelen ende
poorten ter neder schieten mochten : die ander zijn op

D iij

haer

haer oude en ghewoonlijcke plaetse gebleuen. **W**els
keer sy also meenden te ghebruycken / dat als sy wes
derom ghecreghen hadden / daer sy ons mede mocht
quellen / dat sy ons alsdan van drie canten souden be
ginnen verdriet aen te doen / ende beschieten / ghelijck
wy dat oock en waer zijn gheworden.

Die selue ofte die andere nacht / na dat die **S**ascon
giers / daer ick een weynich te voren van ghesproken
hebbe / in waren ghecomen / hebben sy van stonden
aē / al hoewel moed zijnde vā ouer hys te reysen / haers
manlicheyts een proef willē doen / en zijn na die dyp
nen oft santberghen / door den **S**ijl poort ghenaeint /
tot gheuallen en hebben die huysen en plaetsen / daer
die vpanden stadelick wacht hielden / onder die stadt
omghesmeeten / heur wapenen (wāt die condē / had
dent al verlaten en sich op die vlucht ghegeuen) wech
ghedraghen / en die ander die sy by auontuer becom
men hebben / zijn doorsteken gheworden. **E**n **W**ael
die seer zyns lufs ghenade badt / hebben sy leuendich
gheuangen ghenomen / en de **Q**uericheyt om te pij
nighen ouergheleuert. **D**aechs daer na zijn de selfde
tot een ander poort des stadts gheuallen / en hebben
op die selue manier / als des nachts / een heerlich seyt
bedreuen / met sich na die stadt draghende / seer veel
stormhoeden en rapieren / die sy die vpandē ontiaecht
hadden / die alte stoutelickē onder die stadt begonsten
te nestelen. **A**lso zijn alleynskens den vpant die vloes
ghelen wat ghecort / ende alleynskens sommighe in
die keerse gheuloghen.

Der des heeft die vpant al hoewel hy daer sulc
ke onuerstienighe aemualen seer was verlagen / noch
tans niet te minder gherust: dan met heymelijcke ende
verborghen hooelen en ondergravinghe dat **A**ondeel /
welck

welck teghen die Cruyspoort stont / als bouen vers
haelt is / onder ghecropen ende ghedelft / waer mede
hy oock ons volck int beghinsel meer heeft / dan met
schieten (daer sy nu sommighe daghen mede hadden
gherust) en stormen bedroeft ende verflaghen. Niet
lang daer na hebben sy niet veel daer op ghepast: En
derhaluen hebbē sy die deluers vaeck en menichmael
so verstuft / dat sy heur schuppen / spaden en houwees
len / en haer werc moesten verlaten / veel zijnder oock
dickmael onuersies ouerrumpelt en vernielt. Weder
om ooc onse volc hebben als mannen / heur drepghes
menten niet meer geureest dan niet / en alle angstual
licheyt te syden settende / hebben een manlichheyt / en
alsulcken moet ghetoont / als opt in yemant ghesien
ofte ghehoort is. Want het Rondeel oft Blockhuys
is van dach tot dach / ende van nacht tot nacht / so met
balcken verstarct ende opgearbeydet: item worde met
langhe ijseren vercken / ijseren haecken ende voetans
ghelen / drie spitzighe ijserkens / spitze proppen / en met
langhe ijseren pinnen / als op deuren en horden / in die
manier van pansers ghemaect / also beschermt / dat het
byna onwinnelick scheen te zijn / wtgenomen het del
uen en ondergrauen. Ick lae hier nu voorby pickige
hoeden / croonen / daer oock te voren van gheseyt is /
ghesoden kalc water / bedriechliche spietzen / ende an
der ontalliche dinghen / met die welcke sy de vyanden
lichtelick afmoeten ende afheeren konden.

Den eersten dach van Ianuario is het volc / als tot
een waerachtich nieu Jaer / eerstmael vercondicht het
waere Woort Gods in die groote Kercke / de welc
he geynicht en van die Afgoden ghesupuert was /
den vierden Decembris. Maer die groote noot heeft
ghedronghen het volc weder by een in de oude plaetse
te ver.

te versamelen/om dat sy daer van die vpanden/die in
der waerheyt zyn als honden in die peerde crebbe die
selfs gheen hooft eeten/en die ander dat niet laten ghe-
bruyckē/ die het eeten/ niet met vreden werden ghe-
laten. Des seluen daechs heeft onse volck sommighe
boeren/ die by die vpanden pionierden/ gheuanghen
creghen/ ende sommighe die hartneckigher waren
vernielt.

Voorder als onse volck den achtsten des seluen
Maents een Vael/ daer ic te voren van gesept heb/
had leuendich gheuanghen en den staet ouergeleuert
was/ hadde van het Blockhups aen een lang dwers-
hout tot spijt en versmadinge der vpanden/ die nu al-
temet met ondergrauen wat naerder begonnen te co-
men/opghehanghen: Waer af sy seer vertoornt ende
vergramt zynde/en haers gesellen doot by auentuer
willende wreeken/ zyn sy weder tot haer ghewoon-
lijcke donderinghen en schieten/ want sy anders niet
veel doen en wtcrechten en condē/ voort ghecomen.
Te weetē/ oft dat sy nu weder oueruloedich voorzien
waren met cruyt ende clooten: oft veel lieuer/om dat
nu die feest en leedighe dagen/ op welcken sy plegen
by na leedich te gaen ende goede ghesellen te zyn/ na
haer ongoddelijcken Godtdiensten en afgrijfelicke
oeffeninghen en bedinghen verby waren: schietende
vierentwintich mael.

Den negghenden dach hebben sy veel selder en grij-
selijcker gheschoten/ ghelijc oft zyt al wilden vernie-
len/c. xxvij. mael: onse volc hebben weer en teghens
met alle neersticheyt altoos daerouer wt gewecst/dat
sy den gantsche nacht door/ en so wāneer svalderbest
mochten/ te weten/ als sy ophielden te blixemen ende
donderen/ en weder laden moesten/ met balcken/ma-
sten

sten en sprieten starck in malcander geuoecht / en meel
eerde alle dinc wedder op maken ende verstercken
mochten. Des selue daechs is die vrant met grooten
macht / meestendeel te peerde / het Princen heuileger /
dat welcke tot ons soude comen / om te behinderen / in
die moet ghetoghen. Ende op dat hy dit niet te ver-
gheefs soude schynen aenghegaen te hebben / heeft
een stadich leegher (ghelyck ooc te voren gheseyt is)
tot Hillegum / van die stinckende Spangiarde ende
vanden seer onthilicht / gheslagen / ende die toecomst
ende verlossinghe van onse volc tot ons / swaerlicken
ende onuerdrachelicken behindert.

Item / want ooc Almaer (dwelck vñf cleyne mī-
len van Haerle leyt / na dē noorde) meer knechte had-
de ingenomen / om dat die selue gasc / die ons nu som-
mige Maenden groote quellagien haddē aengedaē /
haer ooc mochten het spel maken : ymmer nu alreede
haddē lastich geweest / somē seyt / sdaechs daer na / als
sy die stadt van Haerlem eerst bestormden ende man-
lick afgheslaghen waren. Want sommighe hoofden
van haer dooden op spietzen ghesteken hebbende / en
bloet maken willēde / ia oock poehende / als oft hoof-
den waren van die van Haerlem / twelck sy nu al in-
ghenomen en slecht gemacct haddē : hebben die stadt
trotselick opgheepscht / ende vermaent dat sy haer
goetwillichlick souden opgheuen / wilden sy gheen
grooter straf ende roede op haer eyghen naers halen.
Daerō als hy dit nu al met zyn oren / die hy noch veel
heeft / gehooft hadde / en op dat hē noch van achterē
noch vorē geē ongemack soude geschic / by tijts voor-
sien wilde / heeft hy met minder cracht in Geuer-
wijck (dwelc twee cleyne mylen van onse stadt leyt)
sommighe ruyteren en knechten ghestelt. Aldus dā
haer



haer cracht nu in drie deelen ghedeelt / en derhaluen
gantschelickē gekrenct zijnde / sullē haestich / so ic ver-
hoop / die popelcie en verdoeringhe ruyghen / welcke
ons gunne die goede Godt.

Den tienden Januarij is ghehoort / dat die Edelste
Graef vander Marck / met Bartolt Entez / een
Vriesch Edel man / en dapper Hopman van sommi-
ghe knechten / die hy tot hulp ende profijt des Prin-
cen en ghemeenen weluaerts by een vergadert had /
van het regiment afgheset / en in een eerlycke bewa-
ringhen alle beyde ghehouden. Doch hebben wy
ghehoort / dat die knechten van I. Muller / die hy
by hem had gehouden tot dienst vanden Prince (wāt
die ander hadden haer binnen Haerlem seer manlick
en ghetrou ghehouden) altesamen (den goeden blijft
altoos haren lof) alsinen soude te strydt gaen teghen
den vyant des deuchdes en Godes / eerst niet oprecht
ghegaen hebben / daer na zyn schandelycken na heur
ghewoont afghewecken. Hoe wel het by na twyfel
is / oft haer seyt behoort ghepresen oft gelaect te zyn /
dewyl door haer afual die alle behouden ende ghesal-
ueert zyn / die anders ellendichlycken in die handen en
tanden der vyanden / en tot een roof gevallen waren.
Doch die oorsacck hadden gheweest van dit werck /
dat ymmers niet gepresen mach worden / dese na dat
sy verdient hadden / hebben ghehoort dat sy een roede
op haer eyghen billen hadden ghehaelt.

Des nachts / vanden seluen dach zyn sommighe
Engelschen en Gascongers / die ons tot hulp ende
ontset waren toegesteit / als sy die contrey niet wisten
en gheen leytman hadden / daerbeneue die lucht doen
doch seer mistich waer / verdwaelt en in groten perij-
kel gheweest. Sommighe van die zyn behoudē ouer
ende

ende in die hauen ghecomen / die ander zijn gheualien
in die handen der wreedder moordenaren : die meeste
deel is / als sy langhe genoeg om gedwaelt hadden /
weder ghecomen / daer sy van daen waren ghetogen.
Daerom als dese mist ende seer dicken neuel sdaechs
daer na noch gheduerende was / en die opant die ve-
sten niet wel conde bekennen / heeft doe men veertien
mael gheschoten. Dese neuel is ons voorwaer niet
schadelick / dan seer profitich geweest / so om die opā-
den te beroouen / en haer onuerkens ende onuerdocht
aente vallen / ghelijck het sonwils betoont is : so ooc
om te verstercken ende vermaecken / dat van haer lie-
den te schoten en verniet was / bysonder om haer niet
een heymelijcke wtloop en inloop / alst noodich waer /
te bedrieghen. Doen hebben se oock van die opanden
een Duytsch gheuangen ghenomen. Item oock een
Walschen Jonghe / maer die hem van sich selfs op-
gaf / is in die stadt ghebrocht : die welcke als sy som-
wijlen heymelijck / om der opanden leegher door te be-
sien / hadden wtghesonden / is daer na niet wederom
ghecomen.

Sdaechs daer na als die lucht claerder was / heb-
ben sy haer schade niet schieten na willen halen / die
sy daechs te voren hadden door die noot moeten ach-
terlaten. Want op elcke vre voor die middaghe heb-
ben se telcken hondert cloten op die stadt gheschoten /
dan van acht vren af gherekent. Want eer en begon-
sten sy nauwelicken / of (ghelijck het zijn seer deuote
mensen) datter eerst moest een h. Misse vā eenen
deuoten coordedragher mede ghenomen zijn : (want
een sulcken h. werck als sy aenginghen / behoorde
voor al toe / sulcke h. deuotie) oft om dat sy voorwaer
op seer sachte culten / materassen / matten / strobedden

E ij

slapende

slapende / schroomden en vreesden haer nest te verla-
ten / ende den beuenden sucht te crighen.

Des namiddaechs / te weten / na dat sy seer goeden
chier ghemaect / en haer leckere maeltijt ghehouden
hadden van alwyn / van loock / koolstrupcke en andere
dierghelijcke goelicheyden / hebben se wat lang samer
en bedochter gheschoten / by auontcur om dat sy nu al
moede waren van so afsgrifselich te roepen / tweehon-
dert en eenentachtich mael. Want het is onno-
ghelick / oft ghelijckerwijs het punt en het scharp in
scheermessen en sweerden stomp en bodt worden / so
ooc dese gheschapen dinghen / die noch reeden / noch
gheuoelen ontfanghen hebben / moeten sachte ende
moede werden / om sulcken onghelijck die onnoselen
en onschuldighen menschen aen te doen. Tweemael
heeft men op dien dach een alarm ghehad / den eenen
ontrent den middaghe / den ander teghens die nacht.
Maer met beyde is sonderlings niet aen besocht en
gedaen. Op die selue tijt is een Burger op de Maer
gaende zyn been ganschelick afgheschoten / waer van
hy oock ghestoruen is.

Den xij. Januarij isser wederom eenen alarm ghe-
weest / om dat die vpant wat aenrechten wilde / die
eenoochde si eusen hebben doen hondert ende vijftich
mael gheschoten.

Den xij. Januarij zijnder twee by het vier sittende /
den eenen een Duys / ende den anderen een Borger
van haerlem / niet eenen schoot doot gheschooten / die
zene zyn hoofft verliesende / en den ander doort lijf ge-
schooten zijnde. Des seluen daechs isser weder alarm
geweest / om dat die Spaniardden eenen valschen aen-
ual scheenen te maken. Maer als sy mannen en te-
ghenstanders vonden / ist lichtelick ghemaect / dat sy
hebben

hebben moeten haer tuyten laten hanghen. Sy heb-
ben doen vreselijcken gheschooten tweehondert ende
drientachtich mael.

Den xiiij. Januarij/ zijn die vander stadt wtgeual-
len / om den vpant / die by nae verschimmelde achter
die wallen en schansen / wat te verneestelen / ende heb-
ben van die dwalers vijf gheuaughen in die stadt ge-
uoert. Van die welke waren twee broeders vā Am-
sterdam / die int Spaensche leggher spijse ende dranch
vercopende / als men seyde / haer cost wonen / ghelijck
ooch die derde: die ander waren Lantstanechten / den
eenen een Duytsch / ende den anderen een Wael. Sy
hebben doen gheblieynt / maer niet sonder oorsacck /
seuenentneghentich mael.

Den xv. Januarij hebben se gheschoten xxi. mael /
en hebben doen ooch alarm ghehad / door welke een
Vaendrigher van haer volck teghens die stadt aen-
lopende / heeft zijn forticheyt ende stouticheyt willen
thonen: dan dese roekelooficheyt is hē voorwaer bit-
ter op ghebroken: want het Vaendel en zijn leuen / is
by op eenen tijt quijt ghemorden / ghelijc ooc niet ge-
spaert zijn die met hem waren: Want daer werde niet
van onse volc van bouen ghesmeten in die vpant / oft
het trefte. Die Walsche ende Franchorse natie / als
ooch die Engghelsche / hebben bysonder lof ende prijs
in schutgheweer te houden / hoe wel onder die Neder-
landers / en alder ghelacht van volcken ooch zijn tot
dit ghetal te rekenen. Want bysonder wasser een ge-
boortelich wt Hollant / die so fix ende wel gheoeffent
was int schieten / dat hy alle daghen / so wanneer hy
der hem toe begaf / niet weynich van kanten hielp.
Somuighe zijn doe ter tijt op den Mey in groot
onghemack en verdriet ghecomen / die ons quamen

E is

ontset

ontset doen. En hoe wel wy daer door gheen groote
misual / en ghebreck by gheleden hebben / en niet en
twyfelē of haer sielē zyn by den heer in rust en salic-
heyt : nochtan sal het bloet seer onnoselicken wtge-
stort / tot zyn der tyt ouer die boose en schelmse snap-
hanen die wraeck yschen.

Den xvi. Januarij hebben die vander stadt / twaelf
vā dien / die sy op verscheiden tijden tot het Spaense
legher ghereghen hadden / so Walen / so Duytschen /
en die Nederlanders / die een weplich te voren ver-
haelt zyn den vyant / die niet werdich is te leuen / wie-
taly toegheuoert hebben / opghelhanghen : van wel-
ker elf zyn teghens den auant die hoofden afgehou-
wen van den hencker / en in een vat ghesteeken van
de wal / in die vyanden schansen gheworpen : om dat
sy daechs te voren een Capiteyn / die ons quam ontset
doen / dan in dese moordenaers handen gheuallē zyn-
de / het hooft hadden afgehouden / en int blockhuys
voor die voeten van die wacht gheworpen hadden /
daer op schrijuende / dat dit het hooft was vā een Ca-
piteyn / die ons daechs te voren soude ontset hebben
comen doen. Hoe wel die gheen die hem wel kenden /
wilden contrarij segghen / al waert dat hy sekerlic vā
haer vermoort was. Also is seer mannelich ghelijck
met ghelijck betaelt / immers niet meerder vergeldin-
ghe die ongoddelijcke henckers vergoetst geweest.
Hy hebben doe gheschooten xxv. mael.

Den xvij. Januarij sinder ontrent lxx. Needen met
koren en buscuyp seer gheladē / item noch een Waen-
del knechten van Hollanders / Vlaminghen / Walen /
ende Enghelschen ontrent tweehondert vijftich man
sterck / in die stadt ghecomen. Waer van die Borgers
en Inwoonders seer zyn verblgt ende verheucht ghe-
weest.

weest. Des seluen daechs zyn onse volck in die vyant
den schansen ghecomen/ en met haer een gheschut ge-
weer gehouden hebbende/ en stof en onreynicheyt in
haer gheschut werpende (want sy anders niet wtrich-
ten condon/ om dat sy in dit seyt sommige hadden die
niet aen wilden treden) en sommighe verniet en ge-
doot/ zyn weder ghekeert. Daer is doen tsestich mael
gheschoten.

Den xviii. Januarij heeft onse volck den gantschen
dach/ als oock den voorgeleden nacht / met een lange-
duerich en stadich vuer verbrant/ al dat houtwerk van
het stondeel des Cruyspoorts/ om dat het den vyant
niet soude tot profijt comen/ die door het ondercruppē
en heymeliche onderdeluen hier meester van was ge-
worden / en nu sonderlinghe / so het verlaten werde-
gheen schade conde doen / om dat sy haer met een an-
der en gheweldiger dat gemaect was/ op die Cruy-
spoot/ goet tijt voorzien hadden.

Des selue daechs zyn die vander stadt tot die poort
die na het zuydroost staet/ in die vyant/ die neffens het
Bosch ouer ontrent het riuier stadighe wacht hielde /
met grooter manlichheyt gheuallen. Die vyant door
die menichte/ van dien die aenuielen/ verflaghen ende
veruaert zinde/ heeft al om verde ghetworpen en haer
opter loop ghegheuen. En alst haest te doen was/ so
sy het wilden ontgaen / en mochten so haest niet ouer
de riuier comen alst die noot wel eysschte / en met die
clepne schuyten/ die sy byder hant vonden / niet wisten
om te gaen / zinder veel verdroncken / niet wepinich
ouuerliens doorschoten en doorsteken. Die ander die
ouer condon gheraeken / hebben sich int Bosch ver-
steken/ en veel wapenen en buyten zinder in de stadt
ghedraghen. Die hupsen/ daer sy haer wacht hielden/
om

Om die stadt te beuuenen en te beletten / dat haer geen
victalp toe werde gheuoert / zyn in brant ghestecken.
Door welcke victorij onse volck verblint en moet ghe-
grepen hebbende / en die vpant versaccht zynde / zyn
met groote menichte in een hitte / die aengeuallen / die
bupten die selue poort in een hups ghenacmt siusten-
burch onder die stadt waren ghecropen / en sich aldaer
beschanst hebbende om alle passagien te besetten / sta-
dighe wacht hielden. Vande welcke veel gheschoten
en verniet zynde / en veel bupten en het Spaensche
Weendel ghecreghen hebbende / is het hups van onse
volck met de brant verniet. Die Waendiagher hem
thouende een dapper crijchsmā / heeft lieuer willen
daer zyn leuen campende laten / dan schandelick zyn
Waendel van sich werpen en lopen gaen. Een leuen-
dighe Wael / die nochtans van verwe en ander ghe-
daente (te weten / want hy niet wel en roock van die
Spaensche Inquisitie) meer een Spangiaert dan een
Wael scheen te zyn / hadde hem zyn sprake niet ghe-
melt / hebbense in die stadt gheuoert / dan seer gequest
en swaetlijcken ghewont / en bynae steruende: vande
welcke / als sy sommige dinghen vant Spaensche le-
gher verstaen hadden / is snachts daer na ghestoruen.
Men vermoedet dat in dese scharmutselinge van die
vpanden wel hondert zyn ghebleuen: ende datter veel
meer wapenloos zyn gheworden / is lichtelick te ver-
staen gheweest / wt het gheweer en bupten / die in die
stadt zyn ghebracht. Wan onse volc zynder seer wep-
nich ghebleuen en ghequetst. Sy hebben doe / cruyt en
clooten sich minnerende / alst scheen / niet dan seuen
mael gheschoten.

Den xix. Januarij / onse volck moedigher ghewor-
den zynde / door die victorien / die sy by na alle dagen /
doe

daghen door Godes ghenade vercreghen/ zyn weder
om wt die Scalcroijcker poort geuallen / en die ouer
ghebleuenen van die voorgaende dach / die haer be
stonden in haer oude hutten / al ist dat sy van daer ni
dick en menichmael verstuft hadden geweest / weder
te cruppen en te nestelē. Daerom op die selue manier
als daechs te voren/ die niet ontlopen condē/ zyn ge
slaghen en gheplundert gheworden. Die vander stadt
zyn met bukten beladen / blijde en al opspringhende
als het reeden gaf/ weder in ghelopen: men vermoet
enckelick/ datter op dese mael wel so veel/ als daechs
te voren/ bleuen. Also zyn door Godes ghenade alle
daghen sommighe in die kaerse gheuloghen/ daer sy
ons mede meenden te verbarnen / en selfs in die stric
ken gheuanghen / met welcke sy de onnossele en on
schuldighe meynden te betrapen en vangen. Ick nae
hier verby ander ontalliche/ die van roude/ van hon
gher/ onghemack/ en aenclouende dootlicke siecte alle
daghen stouen: Maer die heplighen sullen noch al
bet om haer was/ al ist dat het een wepnich vertrect/
comen. Sy hebben doe maer drie mael gheschoten.

Den xx. Januarij/ die vander stadt niet wel verdra
ghende/ dat die Godtloose vpanden daghelick so veel
werdetogheuoert met sleden en peerden/ begheerden
haer wterste best daer aen te keere / om dese aenuoer
ders dit te beletten / en de vpandē eenichsins te krenc
ken. Daerom door die gewoonlycke poort/ en een an
der/ die na het oost stondt/ wtgeuallē zynde/ zyn door
Godes gehengenisse op twee sleden gheuallen / op
welcke een sadt een vooruluchtich Schepē des stadts
van haerlem/ een man die de Spangiaerden wel alte
seer was toeghedāen/ dan anders niet onbequaē was.
Dese hebben sy met die ander sleede/ geladen met een

K

vat

vat schoone Rynsen wijn/ en eē vat vol witte broots/
waer mede hy met zyn vriendekens die Spangiaerts
en goede ghesellen/ so het ghemeene volck vermoede/
die selue auōt soude goede chler gemaect/ en hy auon-
tuer den Ipran met een ghecroonde beker den ellen-
dighen stadt toegedroncken hebben/ na die stadt/ hoe
wel seer worstelende ende niet wel daer aen willende
ghebrocht: Want als hy sach dat hy gheuange was/
en moeste mede gaen/ heeft hy ghebeden dat van ston-
den aen/ of doorsteken/ of mochte hy ghelaten wer-
den: want hy conde lichtelic te voeren sien/ ghelijc hy
een man was niet bot noch plomp van verstant/ wat
schaemte hy zyn aensicht/ en wat een groote schande
hy zyn naem soude aendoē. En hy soude zyn begeer-
te vercreghen hebben/ bysonder van die onbekende
Soldaten/ hadde het niet belet gheworden van die
vander stadt/ die aen quamen loopen en behinderden
dat hem yet soude gheschien. Waer van sy luyde seer
blyde zijnde/ zyn met hem in die stadt ghetoghen/ en
als sy hem den Raet ouerghelēuert hadden/ hebben
het roof blydelich onder haer ghedeelt. Also ist waer
gheworden/ datter al eertijts gheseyt is/ dat nyemant
weet wat die donckeren auont aenbrengt. Dese heeft
bekent onder andere/ datter daechlicx veel/ so van die
Spangiaerden als Walen/ die de moet verloren ga-
uen om die ouerhant te crighen/ loopen ginghen/ en
van die selue statie/ als ooc van die Duytschen/ veel
van coude en armoet oft storme/ of onbequaem werde-
ten oorloch ghemaect: men seyt dat hy die Quericheyt
ooc is eē aengenaeme wijser geweest eens verhooken
ende begrauen schats. Hy hebben doen gheschoten
hondert lxxxij. mael.

Den xxi. Ja. hebbē die vander stadt willen onder-
soecken



Lambertus, et alii Martyres Harlempjeses.

soeken / of
leche (schiet
gehoort te v
want hebben
naar twee ha
so ruggevall
dat (so ghem
lijst te wo
van de ande
tri haer te v
genode. 3
de / en een
teerdich
sommighe
ghetode
was / dan
ouer te co
Don wo
berrechy
lijker en
cotra m
toende t
voordien
gouwen
achtien
De r
sen reus
ist dat d
licken
ghen en
wen d
licke g
hebben

soecken / oft sy dat langduerighe belech en dat grōse-
like schieten / welcke twee dinghen haer billichen be-
gonsten te verdrieten / mochten ontslaghen werden:
want hebben ghestelt met den opganck vanden dach
van twee kanten den vyant aen te vallen. Daerō sijn
sy wtgeuallen vā d'ene kant ouer een brugge of vlot/
dat sy ghemaect hadden van balcken en masten / ghe-
lijc sy te vooren hadden ghedaen met cleyne schuyten:
van de ander kant door die wester poort. Maer als sy
in haer te risten langsaem veerdich waren / so het dach
gewordē. Verhaluen die loose vyant in die weer zyn-
de / en een yder op sijn plaetse / als die onse noch niet
veerdich waren / isser niet wtgheericht: hoe wel daer
sommighe aen beyde syden ghebleuen en gewont sijn
gheworden. Daerbeneuen / als die brugge nauwer
was / dan die mochten ouerscheepen / die haer haesten
ouer te comen / zinder doch sommighe verdroncken.
Door welcken onghewal onse volck veroorsaect ende
beweecht zynde / en op dat sy den vyant onbeschade-
liker ende macheliker die vloghelen somwils wat
corten mochten / alst haer door die tijt vanden jaer
werde toeghelaten / haer willende goettijts en de stadt
voorcken / hebben een groote en heerliche Galey be-
gonnen te timmeren. Sy hebben doe gheschooten
achtien mael.

Dē xxiij. Januarij / isser seer veel tonnemeele en bus-
sen cruyt met sleeden in die stadt gheuoert: Want al
ist dat die vyant meynde en verhoopte die stadt lichte-
liken soe te bemauren / dat sy geen coorn soude mo-
ghen crighen / heeft daer nochtans ydel arbeit aēge-
went / dewyl die stadt / het waer hē lief of leet / daech-
liker ghenoechsaem van alle dinck voorcken werde. Sy
hebben doe gheschooten lxxv. mael.

F ij

Den

Den xxiij. Januarij isser laet inden auont tertwe en
meel/dan veel oueruloedigher dan daechs te voeren /
ingheuoert. Des seluen daechs isser een vals alarm
van die Spaensche Papenkinchten ghemaect/ waer
mede sy onse volck incenden te verueeren: Dā die het
barsten van die bomen / ia oock die bomē selfs niet en
vreesst / die en sal van die ristelende bladeren geensins
verflaghen werden. Sy hebben doen op die stadt ghe-
schoten xxx. mael.

Den xxiiij. Januarij heeft Godt noch oueruloedi-
gher/ dan op eenich tijt te voeren / die vander stadt ter-
wenneel en rogghe / als vanden hemel laten regenē:
waer door die vpant seer vergramt zijnde / heeft seer
wreeselich gheschooten driehondert en xxiij. mael.

Den xxv. Januarij is vanden Heer noch grooter/
dan pe te voeren/ ghebenedijnghe ghecomen/ geuende
kroon en victaly met groote oueruloedicheyt/ tegens
die wil en dāck der vpandē. Also dat hoe sy sīck meer
vergramden en verstoorden / hoe die goede Heer die
vander stadt vā dach tot dach meer en meer vertroo-
ste/ en scheenen teghens malcander te vechten/ God/
met zjn oueruloedicheyt en goedertierenheyt ons se-
ghenende/ den vpant/ met quādicheyt en onghe-
schicht- heyt te krencken en verderuen daer ouer wt zijnde. Sy
hebben doe gheschoten achtenveertich mael.

Den xxvi. Januarij hebben sy nacht en dach ghe-
schoten/ ghelijck ooc die ander daghen daer na/ op dat
niet soude van ons volc weder ghemaect en ghestopt
worden/ dat van haer gebroken en te schoten was. Sy
hebben doen gheschoten c c c. en c. mael.

Des seluen daechs hebben wy verstaen / dat van
alle Lantschappen en volckē/ tot die welcke die naem
van die stadt van Haerlem ghecomen was / die stadt
niet

niet als sy duſſanghe / dan met een ghenuechlycke en
fraeyen veranderinghe / haelmeer ghenoemt werde:
Want sy vernielende was veel Spaugiaerts / in welc
ke plaetsen meer ende meer ander verschen ghehaelt
werden. Doch dit is seker en ontwijfelic / dat die stadt
met wat naem dat sy oock ghenaemt mach worden /
eewichlick sal met alle redē / als een Bethulia ver
maert ende ghepresen worden.

Den xxvij. Januarij / ontrent te een vren namidda
ge / is dat iongwijf int Hertshoof / welc een wijn her
berghe is opt ſant ofte marct binnen haerlem / als sy
pet / ick weet niet wat / wilde gaen doen / het hooft el
lendichlick in sticken geschoten / waer van sy op staē
de voet ter eerden is doot geuallen. Des selnē daechs
is eenen Walsche Jonghe / die van onse volc verloren
was / van die vpanden in die stadt om te verspieden
wtghesonden zijnde / van onse volck ghecregen ende
opgehouden: Dese bekende dat hem vanden vpant
een Daler belooft was / so hy haer / wat daer in die
stadt gehādelt werde / wat moet dat sy hadden / en oft
haer die victaly ooc begonst te ghebreken / weder had
comen segghē. Maer die Jonghe billic opgehouden
zijnde / mochten verstaen dat sy rustich bedrogen wa
ren. Men heeft doen eē vdel alarm ghehadt / en heb
ben gheschoten driehondert ende tsestich mael.

Den xxvij. Januarij zijn ons van den alder heer
lickste en looflickste Prince twee Vaendels Enghel
schen / Schotten en Frāchopsen onder inalcander ver
mengt / ontrent ses hondert starck / als men vermoede /
tot ontfet gesonden / en dat niet sonder grote blijſchap
van alle Borgheren en Inwoonders. Op desen seluē
dach isſer een seer wonderlick dinck gheschiet / welc
ke om dat ick het met mijn ooghen ghesien hebbe / can

46
Ick noch behoort het hier niet voorby te slaen. Als een
Jongwif haer Soldaet eeten ghebrocht / en nu een
platteel leedich onder haer arm hadde / also dat haer sij
de en den arm die gedaente eens rondichepts oft ringe
maecte / is een cloot van die vanden gheschoten / door
dese rondichept als door een ring gheuloghen / en dat
Jongwif en die schotel is ongheschadicht gebleuen.
Dierghelijcke dinghen zijnder dickmael ghebeurt die
grantsche tijt des belegerings / tot de welcke openbaer
verstaen mach werden / dat haer felle en grifselicke
clooten / die ghenoechsaem waren om al te vernielen /
vanden heer / oft crachteloos ghemaect / oft door zijn
ghedot te vergeefs in die wint gheschoten zijn / of al
toos niet veel schades hebben ghedaen. Want als op
een tijt sommighe voor die deure met malcanderē cou
tende van die dinghen die daghelick geschieden / heeft
hy auontuer een cloot voor haer voeten neder geual
len zijnde / niemant van heur hinderlick gheweest
maer die cloot / als willende haerlieden sparē / is door
zijn heymelicke cracht weder in de lucht gheheuen /
en heeft de cassinen van die vensters in stucken ge
broken / of is ouer het huys sonder vernat leet te doen
op die erue neder geuallen. Item op een ander tijt / als
een cloot die schoorsteen had om geschoten / ende met
den schuen was int huys onder een hoop kinderen en
ander by het vuer sittende geuallen / is hy sonder let
sel en mismaal (welc onghelooflick is om te segghen)
daer ter neder gherolt. Een ander met een medegesel
met een berry wat draghende is het een been gnaf af
gheschooten / en die ander is schadeloos daer van ge
coven. So zijn dickmael die harnassen / stormhoeden /
schoinspitten / dick oec die lichamen doorschoten ghe
weest / die / oft die lichamen onghetuifst oft weynich
ghe

gewont zijnde: oft die lichamen wel swaerlic gewont
zijnde/ dan het ingewant onghequetst bliuende / ont-
comen. Dat Godt alins mach bekent worden ghere-
geert te hebben so wel die groote clooten/ als die clep-
ne looden van die vpanden. hem sy ghegheue ewich
prijs en danck. Sy hebben doe gheschooten tweehon-
dert ende lxxv. mael.

Den xxix. Januarij hebben die Spangiarde onse
volck en sleeden die wech willen ondergaen/ hier met
peerden/ en daer met voetknechten / so veel haer nog
dich scheenen te zijn/ ghestelt hebbende. Te weten/
op dat sy ons door ghebreck soudent brenghen / of tot
een schandelijcke opgheuinghe/ of nu slauwer lichte-
licken soudent ouerrumpelen. Maer Godt/ die zijn
volck nemmermeer verlaet / heeft tersont een ander
wech gheopent/ door welcke ons ontfet/ en wat ons
van nooden waer/ beschiet mochte werden / en heeft
doek een manier ghewesen / waer mede haer voornes-
men seer gheringe mocht begett worden. Ammers sy
sock hebben niet hoor boose en schandelicken vlijt/ so
veel niet wtrecchten moghen / of alle dingen werden
dagelick minder coop/ want een pont koepen vleesch
wort om een braspenwinck / offen / om twee blanc-
ken gheboden te vercoopen. Sy hebben doe ghescho-
ten tweehondert xxviij. mael.

Den xxx. Januarij hebben die vander stadt den
vpant/ de nu als men meynde/ slijp/ ofte slau was/ vā
twee kanten willen ontwecken / en zijn sworghens
vroech in haer schansen gheuallen/ den eenen/ vā den
Crups poort / die sy ondergrauen wilden / den ander
door die zijlpoort/ en hoewel dat sy hier gheen groote
prijs en eer / nochtans hebben sy oock gheen schande
oft oneer inghelept. Toch aler sy dit deden/ zijnder
som;

sommighe in een cupl en als in een diepen kolck van
de vanden versmooit / en op wat manier dat te ghe-
schie plach / om datmen hier na sal vertellen dickwils
gheschiet te zijn / salmen aldus metten cortsten ver-
staen. Sy maken een mine / ofte so diepen put als sy
mogen / onder de aerde / en den deluende vrant: in de-
sen put aldus hol ghemaect / stellen sy so veel bus-
crupts alst haer noodich dinct te zijn: en dit ghedaen
hebbende / stoppen sy het van allen canten dicht toe /
allienich latende een cleyn laet gat / door welke het
vuer mach met cruppende en springhende vlam / tot
het verholen buscruyt vliegghen. Dit aenghesteken
zijnde / wort al datter bouen en ontrent is niet anders
in die lucht / dan met een certbeuinghe op gheheuen /
also dattet hier van moet te bersten en vernielt wor-
den / al dat het so eenichsins aenraect. Als sy nu hier
of een proef wilden doen / en het hadde reedelicke wel
gheluct / zijn sy na dat sy het hadden laten springhen /
hier en door die poort op die vrant geuallen / hoe wel
het haer niet wel beuiel / als te voren gheseyt is: want
sy hadden heuren aenslach niet begonnē met sulcken
ghetal / noch ordinantie / ia noch tijt / alst wel noodich
was. Daerbeneuen oock die vrant voor hem selfs en
zijn gheschut (van welcke hy twee op het oude ston-
deel ghestelt hadde / daer hy ons naerder mede mocht
quellen) vreesende / was voor onse volck in die weer
gheweest: want voor daghe hadde hy zijn volck van
alle canten by een gheraeyt / om teghens den dach die
stadt te bestormen. Als onse volc nu de gantsche toe-
rustinghe / en den vrant in slachoorde en wapenen sa-
ghen staen / hebben sy eerst ghemeent / dat sy verra-
den waren / daer na hebben lichtelick en oueruloedich
wt die gheuangen verstaen / dat sy doe die stadt doch-
sten

ten te bestormen. Verhaluen seer wepnich ghemist
hebbende/ en die alder manlicste een wepnich gewont
zijnde / zijn onse volck weder vechtende na die stadt/
die vanden na haer ghewoontlijke stallen/ ic meen
steden ghetoghen. Doch eerst gestelt en voorgeschre-
uen hebbende / wat sy inde sin hadden daechs daer na
wt te rechten / hoe wel sy daer oock voorwaer gheen
syde by hebben ghesponnen. Op dese dach; want het
nu ernstelick scheen te dopen / is die ander Salep/
groter dan die eerste / van die vander stadt begonnen
te bouwen. Sy hebben doen gheschoten drie hondert
ende rri. mael.

Den laetsten Januarij is in den wtersten noot / int
midden vanden oproer en alarm / welc wy tweemael
doe ter tijt ghehoort hebben/ een bende Ruyters in die
stadt ghecomen. Van welcker die Vaendragher met
zijn lantsinan vā Antwerpen zijnde/ en noch met een
van Breda/ vā die alderwreeste moordenaers op den
Meyr ghebleuen en gheplundert zijn: d'een peert ist
ontcomen/ die ander twee zijn doorschotē. Die licha-
men van dien heeftmen daer na so bebloet met sieden
in die stadt gheuoert / en zijn eerlick begrauen in een
Prochie kercke/ die tot eē peerde stal/ om die bequaē-
heyt des plaets/ vā die Raedt gheordineert was. Tot
dien eynde / op dat welck te voren een waerachtighe
peerde stal was/ ghelijc het oock nu is/ hier naemacis
mach een rechtschapen Herculem vinden / die het als
die stal van Augia mach net ende suuer reynighen.
Vanden Spangiarden seydemen / datter meer dan
vijftich op het Meyr/ daer sy onse volck verwachten/
om hals zijn ghecomen. Bysonder isser een met na-
men Laurentius Peres / Capiteyn van sommighe
knechten / ghelijc het wt sommighe brieuen by hem
beuon

beuonden verstaen is / daer gebleuen / ende naect ende
bloot / ghelack als oock onse waren / legghen laten.

Die vpant heeft op desen dach willen volbrengen /
dat die manlickheyt van onse volck daechs te voren
hem hadde belet / en den stadt bestormen. En want hy
hem selker victory was beloouende / bysonder om dat
die gantsche muur op die syde / nu plat en af was ge-
schoten / item die stadt gracht met sterck is belet en
ghestraet / heeft hy vā alle canten zyn gātsche macht /
dat hy schadeloos conde en mochte / by een versamelt /
met de welcke hy meynde dat die stadt ghewonnen
mochte werden. Dese heeft hy ontrent te middernacht
by een doen comen / op dat hy onuerfens inden dage-
ract die Sectarissen / dat is / nauolghers Gods mocht
ouerrempele en vernielen. Daerenbouen op dat hy
verpligher zyn moort mocht wt rechten / als hy in die
stadt soude zyn gecomen / hadden sy een onderschept /
waer door sy onse volck van die hare onderkennen
conden / so hadde hy haer alle gader gebode met witte
heinden te beleden. Ten eersten dan hebben sy die
S. Ioannes poort / doen byna van die wacht verlaten
zynde / in de schemeringhe inghenomen. Die vander
stadt meynde / dat in die aenual die wal / die op die
Crups poort ghemaect was / alleenich noot leet / als
die kloek alarm sloech / zyn sy daer met alle macht en
dick daer heenen gheuloghen. Die S. Jans poort is
van die ghewoonelike wacht / en die niet seer veel vā
ghetal / te bewaren aengenome : welcke als die vpant
oock niet onbekent was / die heymelick daer in waren
ghecropen / is wt zyn holleken / daer hy hem ee wyle
tāts in verstecken had / dan met een troefelachtich en
vreesachtich hart daer wt ghecropen. Die Baendra-
gher / alst ghemeenlicken ghebeuet is voor aen op die
wal

mael gheclommen: daer gecomen zijnde/ en siende dat
ter weynich byder hant waren/ van welcke hy afghe-
slaghen en behindert mochte werden/ heeft zyn volc/
maer een weynich te vroech/ victorij toegheroepen.
Dat ander witte en heinde draghende ghespuyt/ ick
meene slachhoorden/ heeft desen daer na geuolcht. Die
vader stadt/ bysonder wijs wacht het was dese plaats
te bewaren/ merckende die plaetse verlost/ en van al-
le knechten verlaten was/ bloot zyn/ en van die vran-
den inghenomen/ hebben haer derwaerts heenen ge-
geven/ en die vanden aenuallende hebben geen cloy-
ne moeden noch mannen sicken ghetoot. Want dese
stoutelicken afgheslaghen en ghedoot zijnde/ hebben
haer leuen met het waendel te samen verlooren/ van
welcke die stucken noch alledaghen binnen die vesten
omghedraghen worden tot een ewighe schande ende
spyt der Spaniardten. Den wal/ in welker die vander
stadt grooten hoop en toeuclact hadden gheset/ om
sicken te beschermen/ en die vesten die tusschen die beyde
poorten zyn/ bewaerden/ ick weet niet wel/ hoe veel
duysent/ so Duytschen/ so Walen en Spangiaerden.
Wat dese/ dewyl sy waren in alles wel hondert waen-
del sterck/ behaluen noch een ontallicken hoop knip-
teren die te velde/ en in haer ghewoonlickche schansen
bleuen/ hebben sy/ die haer tot desen storm scheenen
van nooden/ en den stadt te ouervallen/ genoechsaem
te zyn/ die wtgheleesensie ghenomen om so met ghe-
welt en macht die stadt van haerlem te ouerrumpe-
len. En daerom zyn sy ooc onder maledader vermengt
gheweest/ op dat haer tsamen al euen veel eere ende
schandes/ als tot een loon en soldt soude toegereekent
worden. Dese vesten en den wal/ hebben op een tyt/
als van die ander gheseyt is/ die den wal/ die aen die

Sij

poort

poort was/opgeclommen zyn/ dese waernemers met
een grooten hoop ooc willē aenuallē. Beel hebbē sich
oock achterwaerts en buyten schoots ghehouden/om
die ander plaetsen/ so het die noot erschte / te veruul-
len. Die alder dapperste en fortste van allen / zyn by
hoopen vooraen ghetreden. Als nu dese begonnen te
genaken/ en alte hooch opclimmen/om den croon des
wals en eersten lof met haer manlicheyt te vercrūgē/
zyn sy met een haestighe aertbeuinge/ welck dat ver-
hōlen en bedriechlycke crupt nu aenghestecken maec-
te/in die heymelijcke kelder / als een wepnich te voo-
ren verhaelt is/gheset : altesamen ghelijck als witte
nachtgheesten/ eerst in die lucht gheuloghen / daer na
niet meer connende vliegghen/ghelijck als eertjts Ica-
rus / zyn seer wonderbaerlick in eenen diepen cupl en
put / als in haecken en ghekromde pennen doot ghe-
uallen. Die ander medeghesellen die volchden / seer
verflagghen zijnde door sulcken grousaem schouspel en
daer sy sich niet voor ghehoedt hadden / zyn van haer
voornemen afghestaen / en haer grooten moet in die
knien gheuallen zijnde/ hebben sich opter loop gege-
uen / die condē / oft zyn half doot wederom gegaen:
Die ander zyn van die haeckgheschutten des stadts
lichtelick vernielt. In desen storm en aenual zijnder
die alder dapperste en outste van al haer volc / en ooc
behaluen dien/ de ghewont waren/ isser noch een seer
groote en ongheloofliche menichte van die ander ge-
bleuen. De welcke altesamē hebbē beproeft/ als door
Godes ghenade/ die ander noch sullen gewaer wor-
den/ die Godt die wraeck neemt vā alle wreedicheyt/
houerdicheyt en Godtloosheyt: wāt het en is onmo-
ghelich/ of/ ghelijckmen gemeenlick seyt: die veyli-
ghē sullen cens comen om haer was. En dat meer is/
so is

so is tot een groote bewijsreden/ die claehtlycke brief
van een Stephen Dynara/ Secretarijs vā Don Fre-
derico des Hertoghen zoon/ tot Albernoum/ zijns
vaders schrijver ghesonden/ Voorts na die storm/ des
seluen daechs/ smorgens te x. vte ergens onderscupt/
Al dus luydende in onse Nederlantsche sprake/ als sy
tot het Spaensche ouergheset is.

Ick schreef v laestent dat die Stadt
van Haerlem soude wesen in handen vāden Coninck
voor Sondaghe: Twelck ons sonden niet toegelaten
en hebben. Ick en gawe niet die weerde van eender
boone voor t' deel van deser werelt/ ghemerct dat die
affairen en saken so verre gecomen zyn/ dat die Chris-
tenen en getrouwe vāden Coninc/ vreesen die swaer-
den en wapenen vā die kettische en verraders. Niet
teghenstaende die grote victorien/ die sy hier voortzets
en tot noch toe op haer lieden vercregen hebbē/ mis-
gaders die openbare teekenen vā henluyder bloothe-
den. Syn Excellentie heeft tot tweemaal doen be-
sien en ondersoecken die nederworpinghe en affschie-
tinghe der mueren/ vāt Auelijn ofte platte Aondeel/
door Rodrigo Peres/ door London en Artaion/ ende
Baendrager Segerra. En sy seydē alle dat die laech-
te was vā die hoochte een slagie/ oft ghebont vā eenē
huyse/ ofte luttel minder: So dat die vbandē seer wep-
nich plaetse hadden in die syden/ om groot ghetal ofte
menichte van volck te moghen brenghen tot haerder
beschut en bescherminge/ dā datter waren twee stra-
ten naest den anderen/ tegē ouer die twee platte Hol-
wercken/ wtgaende op die markt. Ende voorwaer ter
oorfaken van dese verclaringe/ en alle tghen dat wy
ghemerct en ghesien hebben/ vant opclimmen in die
storme/ ter plaetsen daerinnen de storm soudē ende be-

Sij

hoorden

hoorden te doene: beuonden effen en pleyn sulcx / dat
mē alle middelen hadde / om een vegelijc te stellen op
die bresche oft nedergeschotē plaetsen der muere / om
te vechten handt teghen handt met die vander stad.
Noch die onse en mochten niet beschadicht wordē van
eenigher syden / door dien / dat sy gheen Sersichtmeer
ter syden en hebbē. En dat meer is / so is dat de breete
van die beschoten mueren ende wal vanden Rauehijn
ofte Rondeel tot S. Jans poort toe / ten minstē moet
wesen twee hondert voetstappen / ende alle die gracht
vast beurosen. W. S. aenmerct / oft opt Godt gaf zijn
Soldaten alsulke generale laddere / als dese. Tē con-
de siende alle dese bekende saken ende bequaemheden
zijn Ec. determineerde en besloot door aduys vā den
gheheelen Raet / dat snachts daer na volghende / in
dusster souden comen die vier Waendelen vā Mon-
dragon / en twee dusent haeckgheschutten Walē / int
quartier van die Spangiarde: item die seuen Waen-
delen vā Polweyler / om slachoorde te maken met die
Spangiarde. Ende die ander vier Waendelen van
Fransberghe ende Euersteyn / souden trecken in die
schanse / om aldaer van achteren die Spaensche ende
Walsche haeckgheschutten te schieten op die vande /
met een goeden hoop Spaensche Lantsknechten. En
na datmen alle die Ratien seer wel besproken hadde /
en haer die ordinatie / die sy onderhoudē souden voor-
ghehouden heeft / so heeft hy beuolen / dat sy haer alle
gader met hembden beleden souden / op dat sy in den
dagheraet onuerkens die Lutheranen ten Solwerck
in en S. Jans poort / en lancr ter syden vā d' ene poort
tot d' andere / aemiallen souden. En zijn Ec. deylde de
hoofden ter plaetse / daer sy bequaemst waren / som-
nighe voor / en etliche achter / en sommighe int mid-
den

den/op dat aen alle syden goede orde en regliment we-
sen soude. W. S. ghi louet dat die affairen en dinghen
so versichert en vry waren voor ons / als ick teghen-
woordelicken soude moghen wt spghen. Nu comende
tot die substantie en materij vā die sacck voorschreue/
onse volck begonsten die vanden te bestormē ter ge-
setter vren en zyn ter syde aengheuallen/ en also on-
se volck het Solwerck bestormden / staken die vpan-
den rouer in een van die matten oft verborghen cupl
onder de aerden / waer van elliche ghetal van Sol-
daten bleuen : sulcx dat door dien middel niet eenen
dupuel vorder heeft willen aentreden. Ende die alder
archst ghedaen hebben / en minst haer deuoir oft be-
horen / zyn gheweest Spangiaarden: twelc een ewige
schande is: en ick sterue van rouwe en hartseer / dat ict
segghen moet / en heb reeden om te segghen. Inder
waerheyt / met tien welghemoede Soldatē / die voorts
ouer ghetreden hadden / sonder faute ende trofse / die
stadt hadde ons gheweest / die dupuel haelse. Sy heb-
ben gheschoten Cherren / die als man vā ceren voer
aen tradt / sonder dat hem yemant volchde. Vā den ge-
nen die sy meest gedoot en gewont hebben / zyn mee-
stendeel ghebleuen int afstrecken in die grachte. Don
Rodrigo de Toledo bleef alleen staen / en die gheene
die hem ghevolcht waren / ende is wederom ghekeert
seer gequetst met een busse in zyn dye / en twee won-
den van lancien / d'een in zyn aensicht / en d'andere in
zijn bille. Rodrigo Peres is oock gequetst / en Tesse-
da / en Steuen Cayl. W. Seigneurie geloouet datmen
noyt so snooden ghespys en sacht. Ende hadden wy
goede Soldaten ghehad / wy waren teghenwoorde-
lijcken wt den verdriet vanden vermaledijden Lees-
gher van Haerlem. Onse sonden ende quade ver-
diensten

diensten zijn oorsaecke van desen onghewal.

Wt eenen anderen brief gheschreuen voor die storm.

Die vanden hebben ons dese voorleeden daghen gedaen een dappere schermuttinghe / meynende ons geschut te vernaghelen : Maer siende onse volc in oorden stellen / zijn vertrocken na die stadt al vechtende als liefsers.

Item noch wt eenē anderen brief gheschreuen voor die storm.

Die vanden in een fiere oft wreede scarmuttinghe hebben gheschooten Don Francisco de Toledo / Capitayn vander wacht van Duc Valua / met een periculoose schoot van een busse. In welcke scharmutzinghe vochten die verraders en schelmen al vertreckende / ghelijck dupuels.

Wt een anderen brief ghedateert den xxij. Jaanuarij.

Het schijnt dat zijt achten voor een iockspel / ghemerct hebbende / dat sy teghenwoordelicken bereypt staen tot den alder vreeselicksten storm / daerinnen opt van heeft hooren spreken. Menghesien dat sy ons verwachten achter haer borstweeringhe / met vier duysent Soldaten / duysent haeckgheschutten vander stadt / sonder andere van die voorschreuen stadt / die aen die mueren comen / om te steruen als Romeynen.

Van die gheen daer te vooren van gheseyt is / dat die S. Ioannes poort in die schemeringe stilswijgens waren ondercroopen / heeftmen binnen die stadt niet wepmich sien ghedoot / en van die sommige die hoofden afgehouden. Wat die worden ouer die vest / na
heue

heer schansen gheworpen. Die lichamen worde die
begrauinghe ghegeuen in die selue wal en die poort/
door weiche sy dit seyt hadden willen aengaen. **Een**
Wael / die niet sommighe ander medeghesellen sich
hadde versterken onder die selue poorte / ter tijt toe / dat
hy in duyster / en sonder weten van die vander stadt/
mocht schadeloos ontsuppen / is teghens den auont
gheuanghen ghenomen / van dien de dat wisten / en in
die gheuancknisse om ghepinicht te worden / ghe-
worpen. Die ander hebben ontsuppen en haer leuen
behouden. Die ghedoot waren / zijn des seluen daechs
ontcleet / op het ijs en die afgheschoten mueren byna
alle ghesien. **Een** vā die onsen is van die Spaengiar-
den doe gheschoten en doot ghebleuen. Voorder so
heeftmen wt die gheuanghenen verstaen / dat sy be-
loftenis onder malcander / en **Godt** / gedaen hadden /
gheen van al dat leuen ontfanghen hadde / eenichsins
te sparen / so sy die stadt in hadden ghecregen. **Maer**
Godt die alsulke afgrijselijke beloften en beede niet
verhoort / heeft vā die onnoselen ende onschuldighen
sulcke grouwelen wech ghedreuen / en heeft / dat sy op
ons ghedacht hadden / op haer eyghen cap laten drup-
pen: hy sy ghepreesen van ewicheyt tot ewicheyt.
Sy hebben doe gheschoten c. lxxij. maal.

Denersten dach vā **Februario** zijn die **Ruyters**
vander stadt die wester poort wtgeuallen / en hebben
sommige vā die vanden / die daer haer peerde reet en
vaerdich hadden / totten strit wtgedaecht. Sy geefins
eenich vechtinge ontfeggede / zijn so haest als sy con-
den / daer heer comen springhe. **Maer** gheen vā bev-
den vreesende / hebben langwyl niet ghelike macht
scharnutzeling ghhouden. **Ma** als een **Wael** vā die
vanden zijn peert doorschoten / en hy selfs leuendich
wech

wech gheuoert was/ heeft die strijt een eynde ghenomen. Dese heeft beleeden dat sy met een eedt verbonden hadden gewest/ als sy die stadt in ghecreghē hadden/ niemant vā al dat leuent ontfangen had/ souden sparen. Nu dewijl sy tot noch toe dit niet hebben moghen/ na haren wil en begeerte/ en dat teghens haren danck/ volbrengchen/ hebben so veel gedaen/ dat haer daerenteghens niemant sal eenichsins hier naemaels sparen. Sheuraecht zijnde vā waer sy so veel prouande/ als haer noodich waer creghen/ heeft geantwoort: van Amsterdam/ Utrecht en Nieuwneghen: crupt en clooten vant hups van Antwerpen. Waer wt verstaemach worden/ dat die steden allegader met die Godtloose moordenaers hebben te samen gheswooren/ die doot en vernielinghe van die onschuldige en ellendighe menschen. Godt gheef haer weder/ oft een beter hart en gemoet/ oft loon na haer wercken. Op die selue tijt is onderschupt/ en in de stadt geuoert een Cleefskarreken/ met peerden en voorraet van cost ende prouande/ datmen den Godtloosen vpant souden hebben toegheuoert. Item twee Duytschen vā die vpanden zijn ooc gheuanghē/ en sommige vernielt. Mē heeft dooc oock alarm ghehad/ maer dewijl daer niet na en volchde/ heeftmen op beyde syden sicken rust ghegeuen. Sy hebben doe gheschoten tien mael.

Des anderen daechs zijn die Aupters vander stadt tweewael wtgheuallen/ dan hebben sonderlings niet wtgericht/ om dat die vpant met haer euen starc was/ oft hem buyten schoot hielde. Des seluen daechs zijn der rij. van onse leeden met prouande in die vpanden handen geuallen/ die voerlurden met de peerden ontloupende. Des seluen daechs zijnder tien van die onse gheuanghen ghenomen vā een Spaenschen Aupter/ ende

ende ter doot gheuoert. Dese waren voortwaer waer-
dich om so gheloont te zijn / dewyl sy lieuer hebbē wil-
len schandelijcken steruen / dan manlick strydende den
doot met ghewelt / oft ontgaen / oft eerlijcken aenha-
len. Sy hebben niet indachtich gheweest / dat het ghe-
muechlick en eerlick is voor zijn Vaders lant ende den
waerachtigen Keligie te steruen: dewyl doch die doot /
als die Poet Horatius seyt / veruolcht den loopē-
den man / noch en spaert niet die beenen en vreesachtis-
ghen rug des bloden ieuighets. Sy hebben doe ghes-
choten vij. mael.

Dē iij. Februarij is een roggen broot vā ses pont /
dat te voren om drie stuivers ghecoft werde / om twee
gheboden te vercoopen. Een wepnich tijts daer na is
ooc het pont koepen kaes om negen penninghen / die
soete melcx kaes het pont om negen deupts / het pont
boter niet duerder dan om twee stuivers geboden / vā
die staet / te gheuen. Want Godt heeft voortwaer die
Burgers en inwoonders vander stadt gesegent / gāt-
schelic met verschedē en contrarie manier / dā in alle
andere plaetsen / in welcke nochtans een onghelijcke
stilheyt en slechticheyt (dat ick so mach spreken) des
waters is / dan hier. Want daer worden alle dinghen
van dach tot dach hoe langer so duerder / hier sietmēse
hoe langher hoe beter coop worden. En dat in een ge-
lijcke form en gedaente / als aleertijts Godt die stadt
van Samarien / die ooc so benaut was van die vpan-
den Gods / seer wonderbaerlick vā oueruloet en goe-
den coop van allen dinghen / gheseghent heeft. Die
Kupteren vander stadt zijn wederom tegens die vpat
wtgheualen: en hoewel sy sonderlings niet hebben
bedreuen / dat hier behoorde verhaelt te wordē / noch
tans hebben sy het ghewelt en macht der vbandē / die

hij meerder

vozen die Crups poort hadde gherweest / van die van-
der stadt neder ghetoghen / op dat haren onsekere val
niet soude die vanden eenichsins profytich / ende die
stadt schadelich zyn. Dese was voorwaer weerdich
alsulcken afwerpinghe tot die fundamenten toe / wāt
sy hadde aler gherweest een afgruselicken kercker en
gheuantkenis van veel Christenen en onnossele ende
lechte menschen / onder die onuerdrachelijcke tyran-
nie en slavernije vanden Antechrist. Die klokke heeft
doen oock alarm ghelaghen / maer al ydel zynde / ge-
lyck daer seer veel zyn inden oorloghe / hebben haer
tot den rust / die de tyt gaf en toeliet / weder gegeuen.
Een schoolkint met zyn medegheselle / die by auon-
tuer vā die school quam / is vā een vā die vyantlijcke
clooten dootgheschoten / zyn medeghesel gheen hin-
der lydende. Item noch een vrouwe wat doende / is
het inghewant wt het lijf / en voorts doot gheschoten.
Sy hebben gheschoten xxxviij. mael.

Den vij. Feb. hebben twee alarmen die borgeren
en knechten beweecht om metter haest gherweert aen
te nemen : maer die vyant door die reedicheyt en on-
wtsprekelijcke lusticheyt verueert zynde / heeft hem
binnen zyn schansen / en ghelyck een steck binnen zyn
huyssen behouden. Sy hebben dien dach den fraepen
Torn van die groote Kercke / daer stadighe wacht op
ghehouden werde / met haer schieten beproeft / op dat
sy die wachters souden ee vrees aeniagen / en die hier
door den Torn verlaten hebbende / ons lichtelick sou-
den moghen onghereet en onuerstiens oueruallen : dan
hebben hier mede niet / als sy ghemeent hadden / bedre-
uen. Alleenich hebben sy tot haer wreedelijcke schel-
merijen des Vaderlandts / die alderhoochste Godloo-
scheden / en onuerdrachelijcke schendinghen en die-
uerien

uerlen der waerachtighen tempelen Gods/dese maet
toeghedaen / dat sy voortaan van haer grouwelicken
heylighdom / sullen schenders en dieuen geachtet ende
ghehouden worden. Die vander stadt zijn dien dach
oock seer verblift gheweest / door dat heurluyden met
meer als hondert sleeden veel rogge / terwe en buffen
crupts / met ander dinghen / die tot het menschen leuen
noodich zijn / gheuoert werde. Op die selue tyt is een
vpantlijcke sleede / die van Amsterdam met twee vrou
wen / die prouande de Spangiaerden toeuoerden / met
al het goet en den voerman inde stadt ghebrocht. Des
seluen daechs is oock een cleyn kint / onder veel ander
kinderen sittende / doot gheschoten / sonder dat die an
deren eenich leedt gheschiede. Sy hebben gheschoten
sessendertich mael.

Den vij. Feb. als die kloek alarm sloech / zonder
seer veel deluers en Spangiaerden vernicht / en in een
grooten cyp / die het heymelicke aengesteken buffen
crupt maecte / gheuallen en gesmoort gheworden. Sy
hebben doe gheschoten xxxix. mael.

Den ix. Feb. die vpant stende / dat al zijn practijckē
en loofse vindinghen / die hy duylang ghebruyct hadde
om ons wt te roepen / gantsch gheen voortganck des
ouerhants aenbrochten (want oock van die vliegen /
daer te voren van gheseyt is / neghen gheborsten wa
ren / om dat sy alle dagen alte grooten gheluyt maec
ten / dan hare keel verdraghen conde) en al zijn aēlla
ghen vergheefs en ydel waren / heeft hy noch een an
der werck willen oprechten / van vier die alderlāgste
masten / dat tot Amsterdam / een stadt / te weten ende
vynster van veel leets en verdriets / selfs alderweer
dichst gheen cleyn quaet / noch roepnich roeden / ghe
uonden / een redelick gheluckich voorspoet beloofde.
not

Wt welcke hoochte en souders / die het hebben soude / die Spaengiaerden met vierballen wt te schieten / souden die stadt veel leets aendoen / en hier door haer lichtelick toebrenghen / om haer sonder twijfel op te gheuen. Maer als dit ooc pdeel worde beuonden / hebben sy alle hope en voortganch / als sy meenden / van dit wech gheworpen. Sy hebben viermael geschoten.

Den x. Feb. hebben onse volck weder een verhoolem camer wonderbaerlicken aengheficken / en laten springen / waer door veel meer / dan op eenich tijt te voren / onuerbocht vernielt zijn. Des seluen daechs zijn oock sommige van die stadt met cleyne en snelle scheepkens / na het lant / om voeringhe en hov in die stadt te voeren / ghetoghen / en by een gheluck zijn ghecomen by een Walsch deluer / die nu sieckelick zijnde / by na van hongher ende coude verginck / de welcke sy ghecregen hebben / en den siact om gepijnicht te worden ouergeleuert. Daerbeneuen hebbē hem zijn rocxken van stonden aen wtghetogen / en dat aen eenen stock tot spijt van die vyanden op die vest ghehāgen / twelc sy lichtelick hebben connen bekennen / om dat het vā voren en van achteren met haer merck ende teecken / te weeten een root cruys / hoedanich sy altesamen alderweerdichst zijn / ghemerct was. Dese septmen dat beleden heeft / dat als sy Berghen in Henegouwen verlieten / ses hondert sterck waren / ende nu door coude ende armoet / ende van het ghewelt ende ouerual van die gewapende / dien sy ongewapent zijnde moesten ondergheworpen zijn / tot tseftich van ghettal waren ghecomen. Sy hebben gheschoten xvi. mael.

Den xi. Feb. sepdemen dat des Aluen zoon crāckt met drie Baendels voetknechten / na zijn lieue stadt pā Amsterdam was ghetoghen. Die ghemeene man
oordelde

oordelde hem van hertseere/ als die schijuer oock ges-
schreue had/ cranck te zijn: die ander vā het roode me-
lesoen. Des seluē daechs is een ander **Bolwerck** bet-
inwaerts in die stadt van die Inwoonders begonnen/
waer mede sy den vyant mochten verschalcken/ als hy
soude meenen dat die stadt zijn waer/ als hy het oude
hadde doorghedelft. Sy hebben doen afgruselicken
gheschoten hondert en veertien mael.

Den **xiij. Feb.** heeft die vyant met zijn eyghen cruyt
en vlamme hem/ ghelyck een sneppe/ zins selfs ver-
derf aenghebrocht/ als hy/ ick en weet niet wat/ aen-
richten wilde. Des seluen daechs isser eē wt den hout/
het welcke te voren gheseyt is/ dat die Duytschen be-
woonden en bewaerden/ na dat die tromslager in drie
verscheden plaetsen/ driemael had gheslaghen/ in de
stadt ghelaten/ om met die Capiteynen vā die knech-
ten/ en den Raet te spreken. Dese seyde dat hy vanden
Coninck van Sweden ghesonden was/ en ic en weet
niet wat sochte: waer van hy oock zeghel en brieuen
toonde/ die hier tuchnis vā gauen. Dese schree eerst
den ghemeenen volcke een bequaem en treffelic man
te zijn/ naderhant werde hy voor een verrader gehou-
den. Want vā sommighe Capiteynen en beuelhebber-
en bekent zynde/ en haer een oorsaek/ om hem naer-
stiger te ondersoecken en ondertasten/ ghegeuen heb-
bende/ is billicken besloten dat hy naerstigher en nau-
wer mocht bewaert worden. Wat hy is/ en wat hy in
sin heeft gehad/ is die ghemeene mā onkundich/ be-
haluen dat hy gehoude wort voor eenē Simon en eenē
loosen Griek. Die Quericheyt is sonder twiſel hie
sekerder vā: daerom so als hy gheuonden sal worden/
wert loon na zijn wercken ontfangen. Sy hebben doe
gheschoten **xcij. mael.**

¶

Den

Den xliij. Feb. is wederom ouer en weerouer / om
dat het ijs alheel tot het water was / met scheepen bes-
gonnen te varen. Godt heeft ons voorwaer door dese
vorst seer byghestaen / om daer door met prouande / en
die dinghen daer onse leuen mede mocht onderhoude
werden / vermaect te worden. Godt heeft sy den vpant
daerom niet schadelich hoe wel sy hem lastich / swaer /
en bitter heeft gheweest / daer om comen zyn / om dat
die plaetse / daer hy hem onder die stadt hield / lagher
was / en daerom so die winter vochtiger had geweest /
geensins soude hebben toegelaten / door die menichte
van groote pooren en wateringhen / haer daer so lang
te bliuen. Doen ist ooc vā lofweerdighe luden ver-
staen / dat die vā Nieuweghen / met heur groote ende
wijde croppē en magē / als ooc die van Wrecht / veel
wecken tot Amsterdā hadden stil gheleghē met veel
gelts / om van die Spāgiarden te copen en lossen / dat
sy van die ellendighen vā Haerlem soudē hebbē ghe-
rooft. Maer Godt heeft tot noch toe die saeck veel
anders gheschiet / en by auontuer / die sullen haer tot
een vry buyt en roof door zyn geweldighe hant gege-
uen wordē / die na haer iancten als rauens tot eē schā-
delicken roof. Sy hebben gheschoten xxiij. mael.

Den xiiij. Feb. heeft Godt die stadt ghesegent met
seer veel scheepen met oueruloedighe terwe en rogge
gheladen / de vpanden al te vergheefs grinnende en
toornich zynde. Daer was broot begonnen vā hauer
te backen / en vā bier mout / somē dat noemt / maer dat
beter korn heeft gedaen / dat dit / gelijc ooc al certijts
die eechelen / niet noodich is geweest te ghebruiken.
Die vpant / die dit by auontuer tot geuāgens verstaen
had / ons ellendige menschen hierom smadelic besim-
pende / riep / of wy het hauerē broot noch niet schier
niede

moede waren/ en het noch niet schier op hadde. **O**ns
volc weerenteghens gelijc met gelijcke vergeldende/
oft haer niet schier van die koolstruycken/ die om die
stadt waren/ die walch begon te steeken/ en oft sy die
noch niet by na op hadden. **S**y hebben doe xxij. mael
gheschoten.

Den xv. is die eerste Salep / om te water te gaen/
reedt gemaect/ en met zyn behoorlick vercieringhen
en nootdriftichede toegericht. Die vader stadt heb-
ben de **S.** Joannes poort beschast/ en sterc en bequaem
gemaect/ om den vyant met geschut daer vā te krenc-
ken. **S**y hebben doe gheschoten xxxvi. mael.

Also hebben sy na haer eygen appetit en wil/ nre-
mant haer dat behinderede / tot desen tijt toe meer dā
ses duysent mael op die stadt gheschoten/ met welcke
schieten voormaer / die mueren en tornen des stadts/
als het noodich waer/ zyn neder gheworpen/ die huy-
sen der Burgerē / bysonder die welcke na den noorde
stonden/ waer van ooc als die **ij.** Propheet tucht/ al-
le quaet comt/ te schoten en onbequaem gemaect zyn/
om te bewoonen/ seer groote schaden/ maer die noch-
tans ouerwonnē en ouercomen mogen werden / zyn-
der seer veel menschen/ en ic weet niet wel niet aen-
gedaen. Nochtans so men die saeck recht in liet soude
ich derren seggen/ datter in alles niet bouen die twee-
hondert bewonden sullen wordē/ die vā haer ghescho-
ten en ghestoruen zyn. En vā dien die gebleuen zyn/
datter niet weynich van zyn/ die door rockeloocheyt
en haer eygen onachtsaemheyt sick selfs een oorsaek
des doots hebben gheweest.

Aldus verre heb ic trouwelic verhaelt en beschre-
uen al die dingen/ die ic tegenwoordich met dese mijn
ogen gezien/ en oore gehooort hebt. Door welke me-

Aij

deders


bedeylinghe / so daer eenighe vrucht en gheneucht tot
den Leeser mach comē / sal my seer lief zyn en tot een
groote uermakinghe. So niet / begheer ick dat hy wil
bedencken dat hy / die al dese dinghen by een heeft ge-
set. dit heeft aengenomen by een auontuer en geluck
bouen zyn voornemen / te weten want hy met grooter
en profitelicker dinghen hem niet heeft moghen noch
connen becommen. Bysonder dewyl die gheseliche
alancen / en die ongunsticheyt en quade ooch des for-
tunis hem niet hebben toegelaten / dat hy zyn eygen
man mocht zyn / en na zyn wil leuen. Ende oock niet
meer heeft connen weten / om dat hy een eyghen per-
soon hemelicker dinghen / die de Guericheyt voor hē
selfs bilicken behout / niet heeft noch willē noch con-
nen vlotigher ondersoecken. Onder des / op dat my
die tijt / van welcker ymiers al die geen / die eenighe
naersticheyt tot eenich dunck antegghen / behoren een
groote acht en spaersameheyt te hebben / datter niet
omut voor by en loopt / niet alheel sonder eenich pro-
fit soude doorloopen / dit lieuer heeft willen / dan met
allen niet doen. Die ander dinghen / die daer na ghe-
beurt zyn tot het eynde des belechs toe / dat welcke / als
ick verhoop / cortelick sal ghesien worden / sal ick hier
naemaels of selfs / hier by stellen / so ick die gantsche
handelinghe can becommen wt lofweerdige luyden /
ende bysonder / so het die heer toelaet / of sullen alle
van het begin tot den eynde toe van gheleerder ende
scharpsinnigher mannen / ghelick die stadt seer veel
heeft / ende die openbaerlick om sulcx te beschreuen /
hebben aengenomen / neerstighet / schooner ende
ghelcerder beschreuen den Leeser om te leesen gege-
uen worden. Maer aler die by auontuer gheschiet /
en een goet en aenghenaem eynde mach erschynen /


mit

will dese dinghen noot tot ontfanghen / op dat ghy wel
dese geluckige beginselen een behoortlic eynde mocht
ste verwachtē / het welcke by na wt die beginselen der
dingen gheordelt can worden / al ist dat die gantsche
handelinge noch niet is tot zyn volle eynde gecomen.
Het geen ick niet een seer oprecht en goet hart en vlit
ghedaen hebbe / wil dat niet goeder en oprechter har-
ten ten besten neemen. **S**hegheuen nu wt die alder
lofweerdichste staet van haerlem ghereyft zijnde / tot
Delft / Int Jaer ons heeren **M. D. LXXij.** den
xvij. february.









15:15: -

909

DE

GA. WOZ

15-9-1989

